

中華職業教育叢書
職業補習教育叢書

陸伯羽編

公民常識百題解

上海中華書局印行

中華職業教育社
職業補習教育叢書

陸伯羽編

公民常識百題解

上海中華書局印行

序

中國今日遭受的境遇，是何等的困難，何等的艱苦！人人需要脫離這艱難困苦的环境，以進於民族復興的境界，可說是人同此心，心同此理。可是一般國民，還不免有些自餒的心理，和頹喪的精神，認為復興大業，是怎樣艱難的事，以中國現在的形勢，是否可能，不免有些懷疑。其實民族復興，全在我們的自信力如何。古人說：「莫問收穫，但問耕耘。」「成敗利鈍，非所逆視。」我們做現代的公民，只問自己，不必問人，只有自己努力奮鬥，不必有所期待與仰賴。試問在非希忒以前的德意志，法蘭西鐵蹄下的德意志，在馬志尼以前的意大利，奧國控制下的意大利，比了現在的中國，被我們友邦鐵蹄控制下的中國，相差幾許？也許惡劣或較我們過之，然而他們竟然漸漸變成今日的德意志、意大利，這沒有別的原因，便是他們的公民，個個明白人人共同肩着復興民族的責任，不放鬆，不懈怠，更不悲觀，盡其在我以奮鬥掙扎，直到復興的道上，還不放棄的緣故。我們中國的公民，一向缺乏這種素養，不要說什麼

復興民族的精神，連公民應有的常識，都殘缺不全，或竟完全沒有。以這樣的公民，付以復興民族的大任，當然是一件很困難的事情。中華職業教育社以公民常識為復興民族之要素，非有普遍之灌輸，不足以振拔國民愛國之觀念，與肩荷救國之大業，因編公民常識百題，以貢獻於社會，頗為一般人士所歡迎與稱道。茲為再進一步，俾一般公民澈底明瞭公民常識起見，復請陸伯羽君撰為詳解，以便研求。陸君就百題中關於歷史、地理、政治、經濟以及自然科學各門，分別詮釋，以復興民族為骨幹，以喚起國人覺悟救國之責任，與應貢獻於國家者何在？分門別類，詳為演繹，字裏行間，充滿着追往勵求的意趣，其用心之深刻與真摯，尤可景仰。承於付印之前，見示原稿，披誦一遍，十分感動，用特略述吾的所見，以介紹於熱心愛國之中國公民。

民國二十五年十月十日 潘文安序於上海職業指導所

編輯旨趣

- 一 本百題解根據公民常識百題一書編輯而成，內容計分歷史、地理、政治、經濟及自然科學五類，每類二十題，故共成一百題。
- 二 公民常識，包涵本極廣泛，而本百題解則係就目前國民最小限度所應明瞭之事項，擇要揭出，加以相當之說明。
- 三 本百題解專供社會教育導師及補習教育教師實施公民訓練之用，中小學欲取為公民訓練補助教材者，可另購公民常識百題小冊。（中華職業教育社出版，本局代售，每冊銀二分。）
- 四 本百題解除供前項教材使用外，凡職業界訓練職員時，可以此為演講談話之資料，又職業界舉行聘用職員考試時，亦可以此為試題。
- 五 本百題解之編製，係集合多數人之意見而成，海內明達，如認為尚有商酌之點，歡迎通


六 函賜教（賜函請寄上海中華職業教育社轉編者）
本百題解中有關時間性之材料，均刊空白表，遇有變更，讀者可以隨時填註。

公民常識百題解目次

序

編輯旨趣

- 一 關於歷史的……………一
- 二 關於地理的……………二七
- 三 關於政治的……………四九
- 四 關於經濟的……………六九
- 五 關於自然科學的……………八九



公民常識百題解

關於歷史的

一 我們中華民族是包含那幾個民族

構成我中華民國之民族，約可分爲六族，即漢滿蒙回藏苗是也。我國人口計四萬萬六千萬，其中漢族佔數最多，約二萬萬九千萬人，其先來自西方，沿黃河流域而漸次蕃殖於四方。中國本部人口及東北四省人口之大部均屬是族。滿族約百餘萬人，大部分散居於東三省，清代入主中國者即滿族也。蒙族即蒙古族，約數百萬人，今蒙古青海等地土著均屬之。回族即古之突厥，約一百數十萬人，初蕃衍於內外蒙古，其後移殖新疆。藏族約數百萬人，蕃衍於青海西藏及四川雲貴等邊地。此爲構成中華民族之五主要民族。苗族本爲中國之土



著，因漢族東來，遂逐漸遷徙於南方，亦有為漢族消滅或同化者，目前為數甚少，雜居於川滇黔桂等省之邊地與深山中，此外尚有攏攏、獠、黎、摩些、力些、西番、怒夷、白夷等民族，散居於湖南、青海、廣東、甘肅、雲南、貴州等省。

二 我國有史以來版圖最廣的有那幾朝

我國有史以來，版圖最廣之時代為元朝，當其最盛時，所擁有之土地，東至高麗，西至小亞細亞半島之一部，西北跨歐洲，北至貝加爾湖，南及安南，領土以中國本部、蒙古及滿洲為主體，以朝鮮、西藏、緬甸及南方諸國為屬國。更有四大汗國：伊兒汗國據阿母河以外之西方亞細亞一帶地；欽察汗國東自裏海、吉爾吉斯草原（Kirghis Steppes）西至匈牙利國境，舉多腦河下游及高加索以北地，悉隸其版圖；察哈台汗國據錫爾河外天山附近一帶，西遼故土；窩闊台汗國據阿爾泰山附近一帶，版圖之廣，為我國有史以來所未有。清代當鼎盛時，版圖亦稱廣大，除中國本部及滿洲外，東至朝鮮、琉球，南至安南、暹羅、緬甸，西至葱嶺，北至恰克

圖。但自清中葉後，外交失敗，北境爲俄人侵蝕，東北爲日本劫掠，南境爲英法蠶食，西境又爲英俄所窺伺。除藩屬喪失外，本國疆域，亦日見減削，至於割讓及租借與列強之土地，更不可指數，藩籬盡撤，疆土難全，以視元代之疆土，跨有兩洲者，國勢之強弱實不可以道里計也。

三 我國學術思想最發達的時代是甚麼時代

我國學術思想最發達之時代，爲周末春秋戰國時代。蓋是時王室衰微，貴族亦逐漸消滅，平民多能與貴族知識階級相接，學術因此傳佈於民間。雖政治紛亂，人民思想反得充分之自由，如老、孔、莊、墨諸人，均能以其研究所得，到處傳授弟子，更以當時諸侯皆爭致人才，以謀其國之富強，而學者亦各以其所學爲奔走干祿之具，各競所長，於是我國古代學術，至此遂大放光明，臻於極盛。當時最佔勢力而確有獨立思想之學派，約有四家，卽儒、道、墨、法。是也。儒家所宗者惟孔子。孔子生春秋之世，講治平之道，以求救濟世變，因道不行，殫心著述。其學務在修法度，定禮樂，圖治安，明仁義，合政治道德而一之。欲以正大勢力助社會發達，故於

易言變化而闡天命，於書紀政事而道治法，於詩述風俗而正社會，於禮明節義而正紀綱，於樂調音韻而陶冶性情，於春秋重褒貶而重名分，修學宗旨以治國平天下為主，而以修身齊家入手，倫理思想則注重實踐道德，而以孝悌為要件，為數千年來中國社會之中心人物。孟子荀子宗之。道家之宗曰老子，其學說宗黃帝，慨周室之衰，而有懲於當時之文敝，於是任自然，尚無為，棄禮教，薄仁義，齊一萬物，歸真返樸，著道德經五千言，莊周列禦寇宗之。墨家之宗曰墨子，學說宗大禹，倡平等，講大同，尚儉約，又務犧牲其身，為羣衆謀幸福，楚國攻宋，其弟子赴難而死者七十二人，戰國時勝綽禽滑釐夷之隨巢胡非子等皆祖述其說。法家以信賞必罰為宗旨，即以法律為政治之主義，與孔孟之道德主義迥殊。如管仲相齊，李悝相魏，皆本此而致富強。其後申不害說術，商鞅說法，及韓非出，則合法術而一之。遂為法家之大成。

四 中國在文化上的三大發明是甚麼

我國在文化上之三大發明，指南針、印刷術與火藥是也。據史書所載，黃帝伐蚩尤，作指

南車以利行軍，指南車卽利用磁石之濫觴也。活版印刷術發明於宋神宗時，初用固膠，作活字，後世更易以木銅鉛之類，而利用愈大。火藥相傳亦發明於我國，傳至西歐，迭加改良，爲用益廣。此三者一爲交通之所賴，一爲文化傳播之利器，火藥雖爲人利用作戰爭慘殺之工具，然其炸燬鑛山，開發天然之寶藏，其功亦不可滅也。

五 晉朝亂亡的原因何在

晉世統一，僅數十年，卽行覆滅，其致亂亡之原因，皆肇於武帝之時。武帝初秉政，頗勵精圖治，及統一後，日事聲色，耽於遊晏，而國事遂不可問矣。綜其一生行事，兆後世亂亡之禍者，蓋有數端：

(一) 行封建 武帝卽位之初，懲魏氏孤立之弊，乃大封宗室，授以職位。又詔諸王皆得自選國中長吏，當時諸王徧於天下，無不擁強兵，據廣土，與西漢之初無異。其或入居端揆，外作岳牧，則漢初猶不及此。其矯魏之弊可謂過深矣。迨帝崩而八王亂作，骨肉相殘，五十六年

之久，卒召外寇以殺同胞，五胡之亂所由起也。

(二)去州郡兵 武帝平吳後，悉去州郡兵，大郡置武吏百人，小郡五十人，交州陶璜上言，州兵未宜約損以示單虛，僕射山濤亦言不宜去州郡武備，武帝皆不聽，而諸王則大國三軍，兵五千；次國二軍，兵三千；小國一軍，千五百，兵勢反強於畿內。故倫閣輩得藉以稱亂。東渡後調兵不出三吳，大發不過三萬，每議出討，多取奴兵烏合之衆，何足言整軍而經武哉？

封建行而內亂生，州兵去而國力弱，亂亡之禍烏得免，此物質上之原因也。至其精神上之萎靡，尤足以致亂，則士大夫之尙清談是已。

六 我所知道的中國民族英雄有幾人能簡述其歷史否

我國民族英雄，代有傳人，其歷史事蹟，非本書所能盡述。茲列舉其名，以供參考：

黃帝	大禹	商湯	伊尹	周公	文王
管仲	孔子	墨翟	秦始皇	劉邦	張良

張 燾	霍去病	蘇武	漢光武	馬援	班超
諸葛亮	李淵	薛仁貴	郭子儀	王安石	岳飛
文天祥	陸秀夫	成吉思汗	忽必烈	朱元璋	史可法
顧亭林	洪秀全	林則徐	孫中山	鄭成功	

七 安南緬甸暹羅琉球朝鮮等屬地是怎樣喪失的

(一) 安南之喪失 安南本為我國藩屬，越王阮福映復國時，曾借法國之力，許以事後報酬；但至福映死後，其子孫皆否認，且極力排斥法人。藉太平軍餘黨劉永福之兵力為助，法兵力不勝，遂與安南締約，認安南為獨立國，使與中國斷絕。後安南內亂，中國派兵征剿，法遂又借端逼迫安南，再結條約，以安南為法之保護國。清廷以法越兩次締約，均置中國於不顧，侵犯宗主權，一而遣使向法抗議，一方即進兵安南，準備與法兵開戰。當李鴻章在天津與法艦長佛祿諾議和時，我軍忽在涼山大勝法軍，法軍以我國有失信義，遂要索償金一千萬鎊。

清廷不允，法即進攻福州；二次未逞，遂不索償金，議和休戰。是役，我與法在天津締結法越天津條約，承認安南爲獨立國。更開雲南邊境蒙自等處爲商埠，於是安南遂失，而法之勢力亦由此侵入雲南矣。

(二) 緬甸之喪失 緬甸亦中國藩屬，但自英滅印度後，因印緬接界，遂時以兵力侵略，至中法安南之役，英人乘我不能顧及之際，遂進兵佔領緬甸，清廷雖曾遣使抗議，但英人知清廷所爭，僅納貢一事，遂以由英人代納貢爲條件，而緬甸遂爲英人所有矣。

(三) 暹羅之喪失 暹羅雖非我屬地，但古代對於我國納貢稱臣。清季末葉，我國國勢日弱，而暹羅得英人之助，力圖自強，光緒十九年，英法許其獨立，而我之西南藩籬盡撤。近更與日人聯絡，國勢且跨我而上之，近來旅暹華僑且受暹人之虐待焉。

(四) 琉球之喪失 琉球初亦爲我屬國，後爲日本所奪，光緒初，日本廢琉球王，改其地爲沖繩縣，琉球遂滅，而爲日本之土地矣。

(五) 朝鮮之喪失 朝鮮亦我國之藩屬也。自清光緒十二年後，日本即積極侵略朝鮮，

初則欲與我平分宗主權，繼則嗾使朝鮮獨立，以肆其併吞野心。至光緒二十年，朝鮮東學黨作亂，中日均依約派兵平亂，但日本竟藉此欲干涉朝鮮內政，違背中日條約。遂發生中日戰爭。結果中國海軍覆滅，陸軍亦敗。次年清廷派李鴻章赴日議和，締結馬關條約，朝鮮台灣均於此次喪失。至清宣統二年，日本即正式吞併朝鮮。

八 鴉片戰爭對於我國有甚麼影響

清宣宗（道光）時，以英人販運鴉片，流毒全國，清廷命林則徐赴廣東禁之，絕英人互市，焚鴉片二萬餘箱，英人以兵攻粵不克，乃分犯各省。定海見陷，清廷罷林則徐，以琦善代之，琦善撤守備，英軍陷虎門，又復遣師陷廈門、上海、鎮江、南京諸地，清廷不得已與之議和，訂南京條約，償軍費及賠償費二千一百萬兩，開五口通商，割香港於英。此次戰爭結果，其影響最大者，有下列數點：

（一）清廷弱點暴露於世。美法各國，均以利益均佔為口實，與中國締約，啓門戶開放之

漸。

- (二) 以關稅爲賠款之擔保，開外人干涉海關行政之始。
- (三) 鴉片以洋藥之名，抽收關稅，於是吸之者愈衆。
- (四) 有志之士，見清室外交失敗，起而謀政治之改革。
- (五) 因負擔賠款，而財政愈困。
- (六) 中國從此成爲各國競爭之市場。
- (七) 開中國領土割據之始。
- (八) 因廣州商約關係，引起英法同盟軍戰爭。

九 華府會議與中國的國際地位有何關係

華府會議，於民國十年十一月舉行於美國之華盛頓。世界各大國，均派有代表與會。我國國民鑒於巴黎和會之失敗，遂公舉國民代表，赴美監督政府所派之代表，協助解決一切

困難問題。並向大會力爭魯案及二十一條件之解決，結果雖不盡能滿意，但山東膠濟路及青島等土地主權，均由大會主張由日本交還我國，由我給以償金，二十一條，則俟再議。又在大會中議決四大原則：1. 尊重中國主權獨立，及土地行政上之完全；2. 予中國以完全無礙之機會，使得建立鞏固有力之政府；3. 確定各國在華工商業機會均等之原則；4. 不得利用現狀攫取特殊權利。此外更議決：1. 撤退外國駐兵；2. 撤廢領事裁判權；3. 關於中國條約必須公開；4. 撤廢在華外國郵局（已於民國十二年一月一日實行收回）；5. 撤廢外國在華無線電台；6. 促成中國鐵路統一；7. 希望中國速裁兵。凡此種種，雖至今未能完全實現，但於我國外交上，實發生極大之希望與樂觀，是亦我國國民努力外交運動第一次所獲得之佳果也。

一〇 自鴉片戰爭以後我國和外人所訂喪權辱國的條約 有幾能略舉其內容嗎

鴉片戰爭以後，我國與英人訂立南京條約，開訂立不平等條約之先河，嗣後我與外人所訂各條約，除一八七一年中日天津條約、國際公約（如海牙和平會議公約、紅十字公約、陸海戰法規公約等）、一八九九年中墨華盛頓公約（除領事裁判權外，尚屬平等）、一九二一年中德協約、一九二四年中俄解決懸案大綱協定及國民政府所締各約尚屬平等外，其餘中外締結之各條約，類多為不平等條約。而不平等條約，以鴉片戰爭之役南京條約（道光二十二年，西歷一八四二年）開其端。此九十餘年中，訂約之原委經過，以及各約之內容，非數十萬言不能盡述，姑舉其重要者於後：

（一）天津條約 咸豐七年，英法聯軍陷廣州，復遵海北上，攻大沽炮台，陷之，清廷命桂良、花沙納與英法媾和，先後訂中英中法天津條約。因我國戰敗之故，交涉竟無談判餘地。結果如領事裁判權之許給，最惠條款之同享，與制定新稅律之協商等，皆為國家致命之傷。又其後鎮江、九江、漢口數要邑相繼開埠後，竟夷我長江等於萬國公海之列，任各國兵艦自由出入，尤為我國航業失敗史中最可痛心之一頁也。

(一)北京條約 中英中法條約訂立後，英法聯軍退至上海。英法公使前往北京，行至白河，爲僧格林沁所阻，遂起衝突。英法聯軍又襲舟山，陷定海，北上而佔遼東、芝罘，復進陷大沽、南北各炮台，拔白河、堡壘。直隸總督恆福，以天津城降。清廷遂派桂良與恆福爲欽差大臣，與英法媾和。因英法要求過奢，和議不成，聯軍又直犯北京，焚圓明園，並盡奪其珍寶。嗣得俄公使之調停，與聯軍議和，分訂中英中法天津條約。除許給領事裁判權與關稅協定兩項外，其爲英人處心積慮用以禍華之鴉片，仍任其源源輸入，流毒迄今。而俄使以調停有功，索烏蘇里江以東至海之地爲酬，居調停之美名，行索詐之詭計，侵略手腕，與英法之礮艦政策無以異也。

(二)愛璉條約與天津條約 兩約均係與俄國締結者。前者以尼布楚條約所收回之外興安嶺以南地方及恰克圖條約所規定兩國共有之烏得河流域，盡割讓於俄國。後者係俄乘我危局，純然爲片面的最惠國條約。此後伊犁條約成（光緒七年），對俄賠款增至九百萬盧布。雖民國八年九年俄國一再宣言放棄侵佔所得之領土，但徒託空言耳。

(四)中法越南邊界通商章程及中越界務專約 光緒初年，因安南問題與法軍開戰。初雖挫敗，迨光緒十一年，廣西提督馮子材年逾七旬，壯志不減，誓與法軍作殊死戰，率兵斬關而出，每戰先登，果獲大勝，克涼山。而雲貴總督岑毓英之軍亦大捷，克廣威承祥諸邑。駐京英公使巴夏禮出而調停，令李鴻章與法人議和，先後訂中法越南邊境通商章程及中越界務專約。然是役我國初未全敗，而既讓法併吞越南，後許其在滇桂兩省開設商埠及自由貿易之權。是誠喪權辱國之甚者矣。

(五)中日馬關條約 光緒二十年，朝鮮東學黨作亂，朝鮮王不能平，乞援於中國。中國遣兵平之，而日本亦以保商為辭，發兵至朝鮮。會黨亂平，中國請日本撤兵，日本藉口改革朝鮮內政，不允。於是中日之戰起矣。我國海陸兩軍皆失利，日軍一面陷旅順，一面佔威海衛，清廷大震，乃與日議和，訂馬關條約，承認朝鮮為獨立國，割遼東半島及台灣澎湖列島於日本，償軍費二萬萬兩以和。又開沙市、重慶、蘇州、杭州、長沙為商埠，馬關條約簽訂後，日本欲割據遼東半島，俄國首先出而干涉，更與德法聯合向日本提起抗議，於是日本以遼東半島交還

我國，我國債庫平銀三千萬兩於日本了事。事後俄得締結中俄密約之議，法亦得投資我國之權，德雖暫時未有所得，至光緒二十三年竟藉曹州教案而強佔我膠州灣（光緒二十四年膠州灣租借條約），俄乃以之藉口訂租借旅順大連灣條約。英乃藉口訂威海衛租借條約，法藉口訂租借廣州灣條約，英又藉口締結九龍租借條約，蠶食之禍，於焉以生。

（六）辛丑條約 庚子之亂既平，清廷派奕劻李鴻章入京與各國開和議，訂辛丑條約。是約喪權辱國，無以復加。其大要為賠款四百五十兆兩，各國得駐戍兵，衛護使館，毀大沽砲台，懲辦罪魁。我國負擔浩大之賠款，束縛我國之關稅，使我國民經濟日就枯竭；又削平大沽砲台，駐兵平津一帶，使我國防失所憑依，都城受其控制。更有使館區域管轄權之讓與及駐兵自由之允許一條。按北京使館所在地，即衆所共知之東交民巷，該處自劃為使館區域後，公使團遂築壘固守，不受中國主權支配，儼然成一國際共管區域矣。

（七）二十一條件 歐戰之初，日本乘歐戰列強無暇東顧之際，於民國三年八月至十一月攻掠青島。又於翌年一月十八日，外乘歐戰正酣之際，內乘我國袁世凱有帝制之謀，向

我提出二十一條之要求。以極嚴厲之最後通牒，迫我接受。二十一條之內容，計關於山東之要求者四條，關於南滿及東蒙之要求者七條，關於漢冶萍公司之要求者二條，關於中國海岸及海岸島嶼不割讓之要求者一條，關於解決懸案及其他者七條。由日使日置益氏向袁政府提出。嗣因袁政府答覆未能滿意，乃於五月七日遞最後通牒。限五月九日下午六時前爲圓滿之答復，否則即取最後必要手段云。袁政府以急於實行帝制，不暇詳密應付，卒完全屈服承認，但始終未經我國會批准。而我舉國國民亦一致否認，至今猶堅持如昔。至華成頓會議時，日本亦不得不稍事讓步，但有關國家存亡之主權，國防、經濟、交通各方面之條款，仍多存在。且日本方面，已據之切實進行。近更擡我東北，窺我華中，是則二十年來爲我舉國民衆所否認之二十一條，不啻今日又有變本加厲之傾向矣。

其他不平等之條約甚多，上之所舉，特其犖犖大者耳。

一一 『九一八』及『一二八』的事變發生在何地影響若何

「九一八」事變，於民國二十年九月十八日夜間十一時發生於我東北遼寧省之瀋陽；日人謀我東北之心，蓄之已久，此次襲擊北大營，炸燬南滿鐵路柳河鐵橋，於是安東、本溪、長春、鐵嶺，相繼失陷，我國雖對日提出抗議與申訴國聯，而毫無效果，至東北四省相繼失陷，日人更挾溥儀出關成立傀儡帝國，河山易色，收復無期，近且進窺華北，國難日深，至一二八之淞滬事變，更因受東北事變之暗示而發生者。

「一二八」事變即淞滬戰事也。淞滬戰事發生於二十一年一月二十八日，此次事變之最大收穫，最明顯者為中國軍隊禦侮能力之表現，而全國民衆及海外僑胞，以實力或經濟援助衛國軍隊，更表現國民愛國之熱情。至影響所及，則因戰事而使百業蕭條，地方凋敝，損失之巨，尙不能以數字計也。

一一一 甲午之戰如何發生戰敗以後我國所受的損失若何

光緒二十年，朝鮮東學黨作亂，朝鮮王不能平，乞援於中國，中國遣兵平之。而日本亦以

保商爲辭，發兵至朝鮮。會黨亂平，中國請日本退兵，日本藉口改革朝鮮內政，不允。於是中日之戰起矣。我國海陸軍皆失利，日軍一面陷旅順，一面佔威海衛，清廷大震，乃與日議和，訂馬關條約。公認朝鮮爲獨立國，割遼東半島及台灣，澎湖列島於日本，償軍費二萬萬兩以和；又開沙市、重慶、蘇州、杭州、長沙爲商埠，俄人反對，遂聯合德法兩國脅日本還我遼東，日本不得已，將遼東仍歸還中國。然因此而引起俄人索地爲謝之事，結果俄得東三省鐵路敷設權及贛山開採權，德人得膠州灣，法人租廣州灣，英人租香港，於是沿海要地盡失，皆甲午一役之惡果也。

一三 庚子之亂如何發生結果如何

庚子拳亂，國力大受摧傷，遂爲清室滅亡之本。其致亂原因，可分四項：

- (一) 自戊戌變政後，政策全更，羣小並進，對內對外兩方，均起莫大之惡感。
- (二) 立端王載漪之子溥儀爲大阿哥（即太子），於是內部日臻危境。

(三) 康梁逃海外，均受外國保護，清政府仇各國更深。

(四) 鴉片之戰後，基督教勢力大張，教徒爲禍，平民恨之刺骨。

教徒既爲禍，拳匪遂乘機而起。標「扶清滅洋」之名以號召，蔓延於山東直隸一帶。孝欽后及戴漪排外心切，獎爲義民，編爲義和團，匪勢於是大熾。所至焚教堂，殺教士，燬鐵路，日夜攻使館。日書記生德公使俱被害，遂有八國聯軍攻陷天津，孝欽與德宗出走西安。俄人乘機佔關東，聯軍入京，滅義和團。結果由李鴻章與奕劻入京與各國開和議，乃定辛丑條約，賠款四百五十兆兩，各國得駐戍兵，衛護使館，毀大沽礮台，懲辦罪魁，始無事。

一四 民國以來有幾次重大的內亂

民國成立以來，國內禍亂頻仍，迄無已時，舉其著者，有民二之蘇、皖、贛、閩、粵、湘、川各省獨立討袁之戰，袁世凱解散國民黨，民三豫、鄂、陝、甘諸省之匪亂，民四袁世凱稱帝之亂，民六張勳復辟之亂，南北之戰，民七之南北分立，民九之直皖戰爭，民十之湘鄂戰爭，民十一之奉直

戰爭，廣東討陳（爛明）之戰，民十二 湖南護憲戰爭，民十三之蘇浙戰爭，直奉戰爭。民十四之第二次奉直戰爭（奉軍南下與齊燮元孫傳芳戰），民十五之國共分裂，民十六之海陸豐及廣州共產黨大暴動，民十八討桂討馮之戰，民十九之福州叛變及北平擴大會議，共黨擾害湘、鄂、贛諸省。民二十一之寧粵之爭及『偽滿洲國』成立。山東 韓 劉之戰，民二十二 新疆之叛變，青 藏之戰事，及閩變孫變（孫殿英）川 黔戰事，民二十三之共黨擾亂，長江上游，民二十四年冀東偽組織之成立，直至最近，國內時局雖已日趨承平，而東北四省，依然在日人掌握中，冀東與察北，亦多為虎作倀之奸宄。國事前途，實有待於國民最大之努力也。

一五 民國以來有幾次重大的災荒

民國成立以來，國內固內亂迭起，而災荒亦接踵而來。舉其著者，有民十之大水，民國十八年西北五省之大旱災，二十年 江淮流域之大水災，二十一年 潮漫十餘省之水旱災荒，二十二年春季河北、河南之黃災，廣東 北 東 西 三 江之洪水泛濫，贛、湘、鄂、浙四省之春雨連綿，晉、

冀、魯、豫四省之亢旱不雨，二十三年爲災荒最劇烈之一年，據稱爲六十年來所未有，被災省分，計旱災有蘇、浙、皖、贛、湘、鄂、冀、甘、黔、豫十一省，水災有鄂、湘、冀、豫、晉、川、皖、陝、贛、綏、閩、察、魯、黔十四省。二十四年，更有大水災。全國受災者有浙、蘇、皖、贛、鄂、湘、豫、魯、閩、粵、陝、冀等省。自民國十六年起，災荒頻仍，推究其因，非天時之突變，實人謀之不臧。而今而後，吾人對於防災之工作，豈可以忽哉！豈可以忽哉！

一六 歷史上凡外族入主中國結果均爲漢人所同化這一

個原則能不能應用到現在

我漢族之亡也數矣，初亡於遼金，繼亡於蒙滿，然其結果，則遼、金、蒙、滿諸族，悉爲漢族所同化。論者證諸往史，咸以中華民族同化異族之力甚強，愛國志士雖攘臂疾呼國亡無日，而國人尤恬嬉如恆，以恃吾族有同化異族之潛力存焉。噫，誤矣！蓋古之滅人國者，祇求獲得其統治權耳。故古之亡國，非亡國也，乃統治權之轉移耳。今之滅人國者，不但獲得其統治權，且

須攫取其經濟，消滅其文化，用心之險，手段之辣，高出於往昔不知若干倍。吾人視英之於印度，法之於安南，日之於朝鮮，其一切設施，以視遼、金、蒙、滿之對於漢族，相去何啻天壤。故今日若國亡，雖有同化異族之潛力，亦無所施其技矣。且遼、金、蒙、滿，其文化均較低於漢族，故易為漢族所同化，使文化高於我族者，實無同化之可能。蓋世界祇有文化高者可以同化文化低者，而無文化低者可同化文化高者之事實，故吾國已往同化異族之事實，殊難再見於今日也。

一七 近百年來我國受帝國主義者的侵略而國勢尙能維

持者是甚麼原因

自鴉片戰爭以後，我國已開帝國主義者侵略之漸。九十餘年來，我國尙能免於滅亡，實有賴於帝國主義者在華之均勢所賜。自歐戰以後，德在東方之勢力，完全剷除，俄國自革命後，在華之勢力亦逐漸減低；法則以全部力量防德之復興，東方祇求保持已成之勢力。英則

近因殖民地叛變迭起，而歐洲大陸正值多事之秋，美則致力於太平洋之防範，故今日我國，正爲東亞帝國主義者日本飛揚跋扈之期，遠東列強之均勢，不待東北之淪陷已失其平衡矣。均勢下之苟安生活，固爲極可恥之生活；而暴力下之乞憐生活，尤非有人心血氣所能忍受。今者均勢已失，正吾人奮發振作之秋，否則來日大難，吾身及子孫將無曠類矣！

一八 日本維新而強我國變法而弱是甚麼原因

七十餘年前之日本，其國勢亦如我國也。但自明治維新以後，國勢蒸蒸日上，今日已爲世界所側目之強國矣。我國亦嘗變法矣，由君主而民主，由民治而黨治，一變再變，而國勢日衰，民生日困。斯何故歟？曰民族性之不同耳。日本之民族性，尙武好鬥，復能吸收歐美之文化，維新改造，事事不落人後，稱雄世界，斯固然矣。然民族之團結一致與服務政府機關之中心人物，能勵精圖治，無苟且因循之習氣及關其敷衍之惰性，亦爲重大原因之一。而武士道「一個己犧牲」之道德，尤足爲日本富強原因之說明。返觀吾國，雖採近代政治之形式，而乏

近代政治之精神，國民之知識淺薄，個人之觀念太強。捨羣爲己，人所優爲；捨己爲羣，人所不願。故居官則貪，爲商則奸，爲民則墮，雖非人盡若是，如此者實不可勝數也。凡我國民，若不痛改已往之積習，勵精圖治，則國族且將不保，遑論國富與民強！

一九 歐戰發生的原因和結果是怎樣的

二十世紀初葉，德國日漸強盛，爲英法所畏忌。又助其同盟國奧地利，使展勢力於巴爾幹，而與俄人齟齬。一九一四年，奧太子爲塞爾維亞人所戕，奧塞宣戰。俄興兵助塞，德助奧拒俄，攻與俄同盟之法國。英人以德破壞比利時之中立，亦助法攻德。既而意大利亦助法，與英等稱爲協約國，德與奧爲同盟國。中、美、日亦先後加入協約國。一九一七年俄國革命，首先與德議和。戰事延長五年，德卒不支。一九一八年十一月簽停戰條約，戰事始已。是役也，時期凡四年有半，影響遍於全球，死傷三千萬人，直接間接所耗金錢，凡十一萬七千兆鎊，爲有史以來所未有。

二〇 關稅協定的惡例是在甚麼條約中開始的

我國關稅協定之惡例，係因鴉片之戰中英南京條約中所規定。凡外貨之進口，一律徵收值百抽五之稅率。自國民政府成立後，關稅雖已自主，然稅率之增加，我國尙未能完全自由也。



關於地理的

一 我國邊境和那幾國交界

我國位於亞洲東岸，太平洋西岸，就固有區域而言，東與東南環海，西至帕米爾高原，南接熱帶，北鄰寒帶。就疆界言：東北以鴨綠江與圖們江與日屬朝鮮為鄰，以黑龍江及烏蘇里江與俄屬西伯利亞為鄰。東濱黃海東海，與日本羣島及日屬琉球羣島及台灣島相望。南臨南海，與非列濱羣島遙對。迤西與法屬安南接壤。西南隔喜馬拉雅山與英屬緬甸、印度及不丹、尼泊爾兩小國連境。西踰葱嶺，西北依塔爾巴哈台嶺、阿爾泰山與俄屬中亞細亞毗疆，北憑薩彥嶺，沿額爾古納河與俄屬西伯利亞為界。

二 「九一八」事變後我們失掉的土地是那幾省

『九一八』事變發生以後，日本利用遜清宗室溥儀爲傀儡，組織所謂「滿洲國」，即以日人特強侵奪所得之東北四省（遼寧、吉林、黑龍江、熱河）爲其國土。僞「滿洲國」成立後，在國際間既未得其承認，而國際聯盟會更有不承認之決議。我國政府自事變發生以後，對於日人一手包辦之僞「滿洲國」迄未有允諾之表示，此種非法之僞組織，吾人固未可以任其存在，雖在未經中央收復之前，吾人仍不可不認四省爲我國固有之國土也。

三 何謂我國四大流域

我國領土廣大，河流雜出，以地勢西高東下，山脈橫行，故川流大抵由西而東，以注於海。河流流域最大的，厥爲黑龍江、黃河、長江與粵江（一名珠江），皆東流入海，所謂四大河流也。茲分述其流域如下：

（一）黑龍江 發源於外蒙古肯特山東麓，有鄂嫩河（石勒喀河）與克倫魯河（額爾古納河）兩源，流域範圍包括我東北三省及外蒙古東北與熱河省之東北大部，至伯

里經俄屬西伯利亞入韃靼海，在我國境內全長三千七百餘公里，灌溉流域九十萬方公里。

(二)長江(一名揚子江) 發源於青海西南與西藏衛地北部交界之勒科邇烏蘭達布遜山，流域經青海、四川、西康、雲南、貴州、湖南、湖北、江西、安徽、江蘇各省及陝西之南部，由江蘇、崇明、寶山、海門間入東海。全長約五千五百餘公里，灌溉面積約一百七十二萬餘平方公里。

(三)黃河 發源於青海噶達素齊老山，流域經青海、甘肅、寧夏、山西、陝西、綏遠、河南、山東諸省，由山東利津縣境入渤海，全長四千六百餘公里，灌溉面積約五十三萬餘平方公里。

(四)粵江(一名珠江) 遠源南盤江，出雲南宣威縣境。流域經雲南、貴州、廣西、廣東四省，由廣東入南海，全長一千九百餘公里，灌溉面積約四十三萬餘平方公里。

四 我東北四省最富於何種出產

日人恃強侵佔之我東北四省，爲我國物產最富之區。以言農產，如大豆、高粱、小米、玉蜀

黍、小麥五種，合計全年產額爲一萬二千餘萬石。其中大豆一項，年產額三千七百萬石。據民國十九年度統計，世界豆產，東三省佔百分之五九·三，中國本部佔百分之二五·四，民國十八年東三省大豆及其製造品出口價額共計二萬三千萬兩，約佔全國出口貨總額百分之二十三。其次爲野蠶絲（即灰絲），近年輸出之數，均在一千萬兩以上，爲東三省出超功臣之一。東北之森林面積，佔全國森林面積百分之三十七，爲世界有數之大森林，爲建築之材料與造紙之原料。而東北牲畜如牛馬羊三類共計一千零五十萬頭，遼寧一省鐵礦之儲蓄量佔七八七兆噸，即當全國鐵礦儲量百分之七八·七，佔全國鐵礦儲量四分之三以上。煤之產量每年佔全國百分之三十六。僅以撫順一地而論，每年產量達七百萬噸，居全國產煤地之首位。而撫順之石油礦儲量佔全國百分之五十二，產量達百分之九十三，吉黑二省金礦產量約佔全國百分之五十。東北有如斯豐富之寶藏，實不啻爲我國之寶庫，自被日人侵佔後，我國出口貿易遂一落千丈。前南滿鐵道會社社長山本條太郎氏有言曰：『東省物產可以彌補日本每年入超日金四萬萬之數。』

五 我國各省省會各在何地

河北省	廣西省	廣東省	湖南省	湖北省	福建省	浙江省	江西省	安徽省	江蘇省
保定	桂林	番禺 (廣州)	長沙	武昌	福州 (閩侯)	杭州 (杭縣)	南昌	懷寧 (安慶)	鎮江

熱河省	寧夏省	甘肅省	貴州省	雲南省	四川省	陝西省	山西省	山東省	河南省
承德 (熱河)(未收回)	寧夏	皋蘭 (蘭州)	貴陽	昆明	成都	長安 (西安)	陽曲 (太原)	歷城 (濟南)	開封

察哈爾省

萬全（張家口）

綏遠省

歸綏

遼寧省

瀋陽（未收回）

吉林省

吉林（未收回）

黑龍江省

龍江（即齊齊哈爾）
（未收回）

新疆省

迪化（烏魯木齊）

青海

西寧

西康

康定（打箭爐）

除各行省外，我國行政區域，尚有行政院直轄南京、上海、北平、西京、青島、天津六市，威海衛、東省特別區、山東長山八島、瓊崖四行政區，及蒙古西藏兩地。

六 我國工程師自造之鐵路是那一條

我國現有已成鐵路約一萬八千公里，而由國內資本國人工程師自行設計建築之鐵路，乃不多見，有之，惟平綏鐵路耳。平綏鐵路造於清末，為本國工程師詹天佑氏所設計建築者，其工程之艱難，外人亦稱贊其工作能力。現該路局特為詹氏塑銅像以誌景仰焉。

七 我國邊境與外人發生糾紛的有那幾處

我國邊境與外人發生糾紛者，如遼清之中俄國界，屢被俄人私移界碑，土地喪失甚多。近有雲南之片馬與吉林之間島兩地，與英日發生劃界糾紛。片馬位雲南之西，向屬登埂土司，明爲茶山五寨之一。東南蔽大理騰衝，西北控野人山，滇省之門戶也。光緒三十一年，中英重勘滇緬界線，英人欲以高黎貢山爲界，其目的不僅在據我片馬，實思囊括野人山全域，爲侵略滇康之地步。其時我勘界之石道鴻韶，盲昧無知，竟許以小江爲界，則野人山地完全斷送矣。幸我外部駁斥，遂成懸案。宣統二年，英人竟派兵侵佔，且自密之那築馬路至此，居然視爲彼之領土，交涉多年，尙未解決。近中央已派有專員負責辦理此事，解決之期，或不在遠。間島爲吉林光霧谷東圖們江中一沙洲，我國稱曰江通灘，亦曰夾江，朝鮮人以爲兩國間之島，遂名間島。往昔韓人之越界者，年納租於光霧谷，其爲我國之領土可知。其後韓人往墾者日多，乃潛移江左，凡海蘭河與圖們江間，均被開墾，名爲墾土，其音與間島相混，故有誤指墾土

即爲間島者，迨日併朝鮮，覬覦此一帶地方，謬稱曰間島，向我要求劃入韓界，經我方屢次抗議，日人理屈辭窮，始認爲吾國領土。以圖們江爲中韓國界，惟江北仍准韓人居住，日人藉保護僑民爲辭，駐兵設警，肆意妄爲。開礦築路，屢釀爭端，近自東北四省爲日人強佔以後，其悲痛更甚於此矣。

八 雲南省內的鐵路有屬於法國者何名

雲南省已成之鐵路有二：卽滇越鐵路與臨箇璧鐵路。滇越鐵路自昆明直達安南之河內，爲法人所經營，沿途駐紮法兵，且由昆明而北上四川，東入貴州，西南屏藩，毫無所恃，而英人更要求築滇緬鐵路，卽自雲南省城經大理騰衝入緬甸，使此路築成，則雙管齊下，不特雲貴之物產不保，而中區諸省，亦將從此多事矣。

九 我國沿海南北中三部之商務各以何處爲最盛

我國沿海南北中三部之商務，以廣州、天津、上海三處爲最盛。蓋廣州與海外交通最早，且地當東西北三江之匯，當粵江口之衝，且爲粵漢鐵路之終點，因水陸交通之便，滇、黔、粵、桂、湘及贛南之貨，靡不畢集於此，而海外僑商，咸來萃集，遂爲我國南部沿海之一大都市。天津當河北五川之會合點，扼渤海之口，舊爲直隸省會，海運大通，闢爲商埠。輪舶麇集，帆檣如織。後又興築鐵路，北抵北平，南達浦口，東至瀋陽，商務絡繹，貿易殷繁，黃河流域之貨物，靡不聚散於此，爲華北商務之中心，亦我國北部沿海之一大都市也。上海位於黃浦江西岸與吳淞江會流之處，地當長江吐納之口，南北洋及歐美往來之衝，舉長江流域之貨物，供其取用；世界各國之商品，經其吞吐，聚各國之人民，集五洲之珍異，遂成全國貿易之中心，經濟之首都，不僅爲沿海中部之大都市，且爲遠東第一大商埠也。

一〇 下列各物之產地在我國何處

(一)米 四川、湖南、湖北、江西、浙江、江蘇、安徽等省，爲著名之產米區。

(二)豆 山東、江蘇、河北、河南、安徽、四川各省均產豆。東北三省產豆尤多。

(三)茶 我國江淮以南諸省，如江蘇、安徽、江西、浙江、福建、廣東、雲南、貴州、湖南、四川各省均產茶，為每年出口貨物之大宗。

(四)煤 我國煤產，以山西為最富，陝西、四川、河南、湖南、河北、雲南、貴州、甘肅、寧夏、新疆、山東各省次之。日人侵佔之東北四省，煤儲藏量亦豐。

(五)絲 絲之產地為江蘇、浙江、廣東、四川、山東、遼寧各省，近自外國絲業發達，而人造絲又充塞市場，中國絲業遂一落千丈矣。

一 中國重要鐵路有幾各路起訖地點及經過重要地方

可以舉出來嗎

我國國有已成鐵路，其重要如下：

(一)北寧鐵路 由北平至瀋陽，計長五二四哩，經過天津、塘沽、臨榆（山海關）、錦縣、

新民而至瀋陽。九一八事變後，由臨榆至瀋陽段，已入日人之手矣。

(二)平漢鐵路 由北平至漢口，全長一二一四公里。經過保定、石家莊而入河南之湯陰、新鄉、鄭縣、許昌、信陽過武勝關達湖北之漢口。

(三)平綏鐵路 由北平至綏遠，全長八一七公里，近已延長至包頭。由北平經居庸關入察哈爾之張北（張家口），更西行達山西之大同，北行入綏遠之歸綏。由歸綏西行以達包頭。

(四)津浦鐵路 自天津至浦口，全長一〇〇九公里。由天津南下，經德州、濟南、曲阜、鄒縣、徐州、蚌埠、明光而達浦口。近自南京輪渡落成以後，自上海乘平滬通車可以直達北平矣。

(五)隴海鐵路 自西安至海州，全長八九三公里。現由西安經潼關、洛陽、開封、歸德、徐州以達海州。

(六)京滬鐵路 自首都至上海，全長三一一公里，自南京經鎮江、常州、無錫、蘇州達上海。

(七) 滬杭甬鐵路 自上海至杭州，全長一二二公里，經過松江、嘉興、硤石至杭州。上列各路，均係就國內已成鐵路比較重要者而言，至東北之鐵路，因九一八事變東北為日人侵佔，國有鐵路損失四千一百餘公里，此為吾人所不可不注意者也。

一一 世界著名國家的國都可以舉出來嗎

<u>美利堅</u>	<u>華盛頓</u>
<u>英吉利</u>	<u>倫敦</u>
<u>蘇聯</u>	<u>莫斯科</u>
<u>日本</u>	<u>東京</u>
<u>法蘭西</u>	<u>巴黎</u>
<u>德意志</u>	<u>柏林</u>
<u>意大利</u>	<u>羅馬</u>

<u>土耳其</u>	<u>安哥拉</u>
<u>希臘</u>	<u>雅典</u>
<u>瑞士</u>	<u>伯恩</u>
<u>比利時</u>	<u>布魯塞爾</u>
<u>西班牙</u>	<u>瑪得里</u>
<u>葡萄牙</u>	<u>波達佩斯脫</u>
<u>荷蘭</u>	<u>海牙</u>

瑞典

斯篤庫姆

加拿大

哇太華

墨西哥

墨西哥城

暹羅

曼谷

菲列濱

馬尼刺

印度

新德里

澳大利亞

甘培拉

阿比西尼亞

亞提斯亞拔

一三 我國旅外華僑以何地爲最多

海外各地華僑，據最近之統計，其人數最多者，有下列各地：

舊金山

一萬五千人

墨西哥

二萬五千人（原有四萬餘人，因墨國排華，人數遂逐漸減少。）

古巴

三萬五千人

檀香山羣島

二萬七千人

菲列濱羣島

十一萬人

澳洲聯邦

一萬五千人

日本

二萬人（近年日本壓迫華僑，僑民回國者日多，恐不足此數。）

台灣

四萬六千人

朝鮮

四萬一千人

緬甸

十九萬人

安南

三十八萬人（安南華僑，實數在四十萬以上。上列總數，係根據一九三三年越南徵兵簿籍及戶口調查報告。凡在二十歲

以下及六十歲以上者，不在統計之列。）

印度

一萬五千人

暹羅

二百五十萬人

南洋英屬海峽殖民地

一百零七萬人

馬來亞半島

一百七十萬人

南洋英屬北婆羅洲

七萬五千人

南洋荷屬東印度羣島

(包括爪哇、蘇門答臘、婆羅洲、西里伯各島) 一百二十三萬人。

法國

一萬七千人

蘇聯(亞洲)

二萬五千人

其有本爲我領土而割讓與人者，其地之居氏，亦成爲華僑者有下列兩地。

香港

八十二萬五千人

澳門

十一萬九千人

其有雖非華僑，而在異族鐵蹄壓迫之下度其非人生活者，有遼、吉、黑、熱四省三千萬人。

一四 巴拿馬蘇伊士兩運河在甚麼地方

巴拿馬運河，在連絡南北美洲之巴拿馬地峽，自巴拿馬北岸之科倫迄於南岸之巴拿馬，連絡太平洋大西洋之運河也。一八七九年，法人雷塞布倡議開鑿，預算之費爲二千七百

萬鎊，乃動工不及五分之一，已費去七千萬鎊，事遂敗。一九〇二年，美國政府以八百萬元，向法人購入，更給金一千萬元歲租二十五萬元於巴拿馬政府，復得其開鑿權，從事工作。至一九一四年而開通，從此太平洋與大西洋之航路，可不必繞道南美洲矣。

蘇伊士運河，在紅海極北埃及境內蘇伊士地峽，蘇伊士地峽爲亞非兩洲連絡之處，運河卽橫斷此地峽而成，開工於一八五六年，復於一八六九年，爲法人雷塞布所經營。今股東之權，大半屬於英國。自此河開通，則歐亞之交通，亦不必繞道南非之好望角焉。

一五 英國無日落的意義何在

英國本國之土地僅四萬四千餘方哩，而其總面積，則達一千三百七十七萬餘方哩（包括英格蘭、蘇格蘭、北愛爾蘭、海峽羣島、愛爾蘭自由邦各自治領殖民地及各保護國），英國本國人口，僅四千六百萬，而總人口則達四萬萬八千五百萬人。蓋英國之領土殖民地及保護國遍於全球也。英帝國以大不列顛及北愛爾蘭所組成之聯合王國爲本位，此外包括

澳大利亞、加拿大、紐西蘭（即新西蘭）、南非洲、紐芬蘭及愛爾蘭自由邦等自治領土，印度及直接屬地保護國國聯委任統治地多處。若分別言之，除大不列顛羣島外，在美洲之自治領土有加拿大、紐芬蘭及閩都拉斯、巴哈馬羣島、窩特林島等，在亞洲有印度、緬甸、錫蘭、英屬馬來半島、北婆羅洲、香港及代管之巴勒士登與受英保護之阿富汗、阿剌伯、波斯等。在非洲有保護之埃及、烏干達、桑西巴與南非聯邦、羅諦尼亞、尼日利亞、黃金海岸、塞拉勒、窩內、岡比亞、怯尼亞等屬地。在大洋洲有澳大利亞、新西蘭、新畿內亞、吉爾伯特羣島、斐濟羣島等屬地與保護國。因英國屬地殖民地及保護國遍於全球，故一日二十四小時中，英國國旗均有見太陽之機會，故曰英國無日落者，亦即英國領土屬地與保護國遍於全球也。（依理國旗不可懸掛於黑暗中，在日未落之前，懸掛之國旗即應收下，在早晨日尙未出之時，不可升旗，此爲國民所不可不知者。）

一六 世界產銀國和產米國是那幾國

世界產銀地以墨西哥、美國、南非洲及加拿大為最著。澳洲、紐西蘭、印度、日本亦產銀，但為數不多，一九三二年墨西哥產銀七千一百七十萬盎司，幾及是年全世界產銀之半數。世界產米最多國為中國、暹羅、安南、印度、緬甸、日本等國。

一七 歐戰後歐洲有那幾個新興的國家

歐戰後歐洲新興國家有下列幾國：

(一) 蘇維埃社會主義共和國聯邦（簡稱蘇聯）原為俄羅斯帝國，一九一七年大革命後，組織蘇維埃社會主義共和國，一九二二年十二月，組織聯邦。

(二) 南斯拉夫 一九一八年十二月由奧匈帝國分裂，舊匈之克洛脫及斯洛文內兩省與塞爾維亞合併，成立塞勃克洛茲斯洛文內斯王國。一九二九年十月，改名為南斯拉夫，為君主立憲國。

(三) 捷克斯拉夫 一九一八年十月合波希米亞王國及舊匈牙利之一部而成立，為

共和國。

(四) 匈牙利 大戰前與奧地利合成奧匈帝國，大戰後獨立成爲共和國。一九二〇年三月復改爲君主立憲國。

(五) 奧地利 原爲奧匈帝國，歐戰後（一九一八）成立共和政府。

(六) 芬蘭 舊俄崩裂後，成立臨時獨立政府，一九一九年七月，議會宣布成立共和政府。

(七) 波蘭 自古爲獨立國，十八世紀時爲奧、俄、普三國所瓜分。一九一八年始回復舊日之版圖爲獨立共和國。

(八) 立陶宛 本爲舊俄土地，一九一八年二月宣布獨立爲共和國。

(九) 拉底維亞 本爲舊俄之一省，一九一七年十一月宣布獨立爲共和國。

(一〇) 愛沙尼亞 本爲舊俄之一省，一九一八年二月宣佈獨立爲共和國。

(一一) 愛爾蘭自由邦 一九二一年英政府與愛爾蘭代表訂立協定。一九二二年十

二月六日，公布自由邦之建設。

一八 如果從中國的上海到英國的倫敦有幾條路線

由上海至英國倫敦，計有三條路線：普通由上海乘英意等國輪船經香港、新加坡、錫蘭、亞丁由紅海經蘇伊士運河入地中海，至法國之馬賽登岸，由法過英吉利海峽而達倫敦。但亦有不於馬賽登岸而繞道直布羅陀海峽者，或由上海乘海輪至海參崴，由海參崴沿西伯利亞鐵道經莫斯科（俄京）、華沙（波京）、柏林（德京）至漢堡，乘海輪至倫敦者。若取道太平洋，則由上海乘輪經日本檀香山至美洲之舊金山，由舊金山橫貫美洲至美國之紐約，由紐約航大西洋直達英國之倫敦。第一條路線為最通行之路線，凡自中國至歐洲者，大都循此路線而往。第二路線為陸道線，凡欲考察蘇聯情形，大都循此路線而往。至第三路線為遊歷全球者之路線。

一九 甚麼叫做蘇聯

蘇聯即「蘇維埃社會主義共和國聯邦」(Union of Socialist Soviet Republics)之簡稱，或稱蘇維埃聯邦(Soviet Union)，即舊俄羅斯帝國在一九一七年崩潰後所組成，當大戰時，俄皇尼古拉二世(Nicholas II)被廢，改建俄羅斯社會主義聯邦蘇維埃共和國(Russian Socialist Federal Soviet Republic)，簡稱蘇俄，各地紛紛獨立，成立蘇維埃政府。至一九二二年十二月，因外高加索蘇維埃共和國之提議，乃成立蘇維埃社會主義共和國聯邦。現加入聯邦者，計有七蘇維埃社會主義共和國，茲表列如下：

俄羅斯社會主義聯邦蘇維埃共和國(即蘇聯之本部) 首都莫斯科

白俄羅斯(White Russia)社會主義聯邦蘇維埃共和國 首都明斯克(Minsk)

烏克蘭(Ukraine)社會主義聯邦蘇維埃共和國 首都喀可夫(Kharkov)

外高加索(Transcaucasia)社會主義聯邦蘇維埃共和國 首都鐵弗里斯(Tiflis)

土庫門 (Turkoman) 社會主義聯邦蘇維埃共和國 首都阿斯塔巴特

塔克什斯坦 (Daghistan) 社會主義聯邦蘇維埃共和國 首都斯坦林拉巴特

俄羅斯社會主義聯邦共和國之面積，佔蘇聯全部之百分之九十二，人口佔百分之七十，內部包括十一自治共和國及十四自治州。政治之最高主權為蘇維埃聯邦大會，休會期中為聯邦中央執行委員會。普通以蘇俄代表蘇聯之全體，實為誤解。

二〇 國際聯盟之機關設在那裏創始於何時

國際聯盟亦稱國際聯盟會，係歐洲大戰後創立。民國八年（一九一九）二月，聯盟約草案提出於巴黎和會，加以修正。四月和會通過，設機關於瑞士之日內瓦 (Geneva)，目的在促進國際合作及和平。其職務以聯盟會議、聯盟執行委員會及國際法庭分別執行，以執行委員會為最重要機關。

關於政治的

一 三民主義的要點何在

三民主義爲孫中山先生所提倡之民族民權民生等主義之總稱；民族主義，一面抵抗外族之侵略，使本國民族獨立；一面求境內各民族一律平等。孫氏提倡民族主義，主張恢復中國固有之道德，發揮民族之思想，團結民族之精神。民權主義分政治上之權能爲二，屬於人民者爲政權，即選舉、罷免、創制與複決四權也。屬於政府者爲治權，即立法、司法、行政、監察與考試五權也。民生主義以平均地權、節制資本爲主要原則，逐漸以實現均產大同之治。

二 國民政府共有幾院

國民政府之組織，以左列五院，獨立行使行政、立法、司法、考試及監察五種治權：

- 一 行政院
- 二 立法院
- 三 司法院
- 四 考試院
- 五 監察院

三 現任國民政府主席及各院長是何人

時 期	國府主席	行政院長	立法院長	司法院長	考試院長	監察院長	備 註
民國二十五年	林 森	蔣中正	孫 科	居 正	戴傳賢	于右任	
年							
年							

四 現任各省省政府主席是何人

省 名	民 國 二 十 五 年	年	年	年	年	年	備 註
甘 肅 省	于 學 忠						
陝 西 省	邵 力 子						
山 西 省	徐 永 昌						
河 南 省	商 震						
山 東 省	韓 復 榘						
河 北 省	宋 哲 元						
四 川 省	劉 湘						
湖 南 省	何 鍵						
湖 北 省	楊 永 泰						
江 西 省	熊 式 輝						
安 徽 省	劉 鎮 華						
浙 江 省	黃 紹 雄						
江 蘇 省	陳 果 夫						

青海省	寧夏省	綏遠省	察哈爾省	熱河省	新疆省	黑龍江省	吉林省	遼寧省	貴州省	雲南省	廣西省	廣東省	福建省
馬麟	馬鴻逵	傅作義	劉汝明	?	李濟	?	?	?	顧祝同	龍雲	黃旭初	黃慕松	陳儀
				未收回		未收回	未收回	未收回					

西康省 劉文輝

劉爲西康建省
委員會委員長

五 國民政府行政院下分設幾部現任各部部长是何人

國民政府行政院現分九部，現任各部部长如下表：

部 名	年	年	年	年	年	備 註
內政部	蔣作賓					
外交部	張 羣					
軍政部	何應欽					
海軍部	陳 紹 寬					
財政部	孔 祥 熙					
實業部	吳 達 鎔					
教育部	王 世 杰					
交通部	顧 孟 餘					
鐵道部	張 嘉 璈					

此外行政院尙設蒙藏及僑務兩委員會，蒙藏委員會委員長爲林雲陔，僑務委員會委員長爲陳樹人，至行政院祕書長則爲翁文灝。

六 甚麼叫做偽組織爲甚麼稱它爲偽組織

「偽組織」係指由日人一手造成之「滿洲偽國」而言。蓋此種組織，既未經列國承認爲一獨立之國家，且未經本國之同意，仍與國內割地自雄之叛逆相等，故此種組織，稱之爲「偽組織」。

七 日本之最大政黨是那幾黨對於中國的態度各黨的意

見是不是一樣的

日本最大之政黨，本爲政友會與民政黨，及新產生之無產政黨，最近更有法西斯性質之新日本國家血盟團之出現。政友會爲日本資產階級之最大政黨，以三井財閥爲後台，而

民政黨之性質亦同，其背景則為三菱財閥而非三井財閥耳。兩黨對於我國之侵略，其主張相同，而政友會對於「滿洲偽國」之經營，尤不遺餘力，田中義一即為該黨之健者。無產政黨為大戰後所發生，近受資產階級政府之極端壓迫，黨勢日漸消沉，而該黨之羣衆，現多隸屬少壯軍人所組織之法西斯團體之下，法西斯團體為日本新興之組織。九一八事變以後，此種團體，日漸衆多。其外交政策，有下列諸端：

- (一) 立於大日本主義政權上的強硬外交之展開。
- (二) 「滿洲國」之即時承認。
- (三) 促進「滿蒙獨立國」之建設，滿蒙權益之國民化。
- (四) 中國之誘導與啓發。
- (五) 侵略的白人勢力之驅除，新興亞細亞之建設。
- (六) 於人種平等資源均衡之原則上，期新世界秩序之建立，亞細亞民族之解放。
- (七) 國民本位外交之確立。

(八) 民族自治制之確認。

(九) 確保國家統制經濟所必要之海外資源利用權。

(一〇) 確保在海外同胞之生存權。

據此以觀，則日本法西斯派對於中國之態度，較諸政友會之態度尤為強硬。故日本各政黨對於中國之侵略，可稱一致，祇有急進與緩進之分，而無親善與敵視之別也。

八 希特拉是甚麼人

希特拉為德國現任大總統，褐衫黨之領袖，亦中歐一獨裁者。德自大戰後，受凡爾賽和約之束縛，一切均不得自由，自希特拉執政後，勵精圖治，國勢蒸蒸日上。近更利用國際間之矛盾，聯意以制法，聯奧以制俄，撕毀阻止德國復興之重大障礙。凡爾賽和約與羅迦諾公約，而為歐洲列強所側目。

九 墨索里尼是甚麼人

墨索里尼爲意之首相，法西斯主義之領袖也。於一九二二年十月，法西斯黨進兵羅馬，奪取政權。墨氏遂拜命組閣。自此以後，意大利之政權，遂盡入其掌握中。墨氏執政後，排斥社會主義，不遺餘力。致意大利之共產黨人，均逃亡國外，近更出兵吞併非洲之阿比西尼亞，以擴張其國土焉。

一〇 維持現在世界和平的有那幾種條約

自第一次大戰以後，各國鑒於戰爭之慘酷與損失之巨大，羣謀所以遏止戰爭之方。各國和平運動者更高聲疾呼，爲世界求和平。在此種情境之下，於是乃有下列各種維持世界和平條約之簽訂：

(一) 凡爾賽條約 爲大戰以後各國所簽訂之和約。約中施於同盟國之束縛甚嚴。此

約近因德國復興後，恢復徵兵制度及出兵萊因河畔，已名存實亡矣。

(二)九國公約 爲中、美、比、英、法、意、日、荷、葡九國關於維持遠東和平之條約。自日本非法侵襲我國東北四省後，九國公約之精神已完全失却矣。

(三)非戰公約（一名凱洛格公約） 爲一九二八年美國國務卿凱洛格氏召集德、比、法、英（附殖民地）意、日、波、捷等國全權代表在巴黎所簽訂，條文僅三條，大要以和平方法解決國際間之爭端。我國於十八年（一九二九）批准加入。

(四)羅迦諾公約 羅迦諾保安公約，訂於一九二五年，爲法圖一己之安全而防德之重興復仇及防止德俄勾結而定之保安公約。其大旨以法、德、英、意訂立條約以保持德國西境之現狀，德國與東歐各國另立公斷條約。此公約成立後，實行全歐不相侵略主張。此約現已由希特拉片面宣佈廢棄而爲今日歐洲一重大問題矣。

此外尚有各國與各國間互相締結之維持和平公約，爲最近之法俄協定之類，然一面締結和平公約，一面則爲防止其他國家之侵襲。故今日和平之聲益高，而備戰之情益切。紙

面文書，殊未能視作和平之保障也。

一一 甚麼叫做總統制及內閣制

總統制及內閣制，為政體之兩類，總統制之特點，在使行政機關與立法機關分立。行政機關之用人行政，不受立法機關之干涉。內閣閣員由總統任命之，受總統之指揮監督，閣員之一切行政行為，均對總統負責。如美國是。內閣制亦名議會制，其特點在使行政部與立法部聯為一氣，內閣之閣員同時為議會之議員。彼等之行政政策及一切行為，均對議會負責。彼等之任期，以議會之信任與否為準則，議會若對之不滿意，則投一次不信任票，即可使之去職。如英國是。

一二 國家成立的要素有幾

國家成立之要素有四，即人民，永久居住之領土，可以發抒人民意志之政府，及對內有

主權以處理國事對外獨立而不受他國之管轄或支配。茲分述之：

(一) 人民 國家無人民，不能成爲國家。人民不論多少，均可成立國家，最少者爲意大利境內之聖馬倫諾 (San Marino) 共和國，人民祇數千人；最多者如中國，人數四萬萬餘。

(二) 領土 國家無固定之領土，不能成爲國家。例如猶太人散居各國，卽不能組織國家。領土之範圍，不限定陸地。舉凡疆域內之河川湖澤，沿海一定範圍內之海岸，距離陸地一定範圍內之海灣海峽，以及無限深度之地下層及無限高度之太空（領空）均爲領土。國家於領土範圍內對於所有之人與物，除特別規定者外，可以行使至高無上之權力。而他國在此領土範圍之內不能行使此種權力。

(三) 政府 一羣人民居住於固定領土之內，不必一定組織成國家。國家必定有政治組織，卽必須有政府以發抒實施人民之意志，決定公共之政策，並且對外以代表國家。設無政府，卽無共同之意志與行動，僅屬烏合之衆而已。至於政府之形式如何，組織如何，無論其爲君主民主，均無關重要，惟須組織穩固，具有發號施令之權力。對內能維持治安，對外能以

履行國際義務，斯即完全之政府。

(四)主權 一國如受他國之管理，或由他國代之處理國事，對之行使權力，實僅構成他國之一部份，並非獨立存在之國家。若他國僅為代理行施外交權，例如保護國對於被保護國，此保護國亦可稱為國家，不過在法律上非屬獨立國而已。對內能行使主權，亦為國家主要條件。倘若國家不能行使此項權力，或欲行使而受他國之牽制，此國非至淪亡，即被他國所侵併。

一三 甚麼叫做政權與治權

政權為人民之權力，治權為政府之權力。孫中山氏所提倡之民權主義，將權能分開。即政府行使治權，人民行使政權。治權有五：即行政、立法、司法、監察與考試是也。政權有四：即創制、複決、選舉與罷免是也。權職分掌，為中山先生民權主義之特點，亦近代政治學史上一種新的改革也。

一四 我們要愛國家應該從甚麼地方表現出來

愛國之道多端，就一般情形而論，吾人對於下列積極與消極兩方面之事實，應注意之：

(甲)積極方面：

1. 尊敬國旗黨旗。
2. 愛用本國貨物。
3. 應同情及幫助受別人侮辱或壓迫之國民。
4. 能有犧牲自己為國家謀福利之精神。
5. 能充分發揮民族固有之道德。
6. 應注意鍛鍊強健之體格。
7. 應保存獨立自尊之人格。
8. 講求氣節。

(乙)消極方面：

1. 不以私利而妨害公益。
2. 不因顧全一己之利益而違害國家之利益。
3. 不做有損國家地位或名譽之行爲。
4. 不戕賊一己之身體，不浪費個人之金錢，以保持國家之實力。

一五 『邦有道則知邦無道則愚』這種態度是不是今日

國民所應有如以爲不應有又是甚麼緣故呢

『邦有道則知，邦無道則愚，』此種態度，爲窮則獨善其身，達則兼善天下之態度。當閉關時代，國家實行君主政體，人民具此種態度，未始非明哲保身之道。但自海通以後，異族間之交往頻繁。邦有道固佳，設邦無道，則滅國滅種之禍，不旋踵而至。往昔國君無道，結果易人統治，國家民族無覆滅之虞，今則與異族交還，國家民族之滅亡，非滅亡於國人，乃滅亡於異

族，諺云：「非我族類，其心必異。」若日之對朝鮮，法之對安南，英之對印度，以視我國古代朝代之更替，其手段之狠毒險惡，相去不可以道里計也。設當亡國以後，則生無安居之所，死無葬身之地，雖欲如夷齊之隱於首陽，亦不可得。故時代不同，未可引古以例今也。矧今爲民主共和政體，與昔之君主專制政體亦不同。在君主專制政體下之國民，可以不問國事；但在民主共和政體下之國民，則人人有參與國事之義務與責任。此種放棄責任之態度，實非民治國家國民對於國事所應有者也。

一六 英法美意德俄土日各國是何種政體

英吉利

君主立憲國。

法蘭西

民主共和國。

美利堅

合衆共和國。

意大利

君主立憲國（現由法西斯黨領袖墨索里尼專政）

德意志 民主共和國（現由國社黨領袖希特拉專政。）

俄羅斯 社會主義聯邦共和國。

土耳其 民主共和國。

日本 君主立憲國。

一七 甚麼叫做法西斯

法西斯係由意大利語 (Fascisti) 之譯音而來，或譯作棒喝團，蓋拉丁語 [Fascis] 爲羅馬行政長官出巡時所用之一種儀仗，用作權威之象徵者。（卽一柄斧頭，四周用棍棒圍繫，下面爲一較細之柄。）或譯作汎繫黨，更有譯作黑衫黨者。此名辭據墨索里尼之解釋謂：「法西斯主義實在並不是一種主義，而是一種生活的方法。法西斯主義認定生活爲鬥爭，在這鬥爭中，個人的義務在於首先克服本身，使他能够效勞於本身、國家及人類。從法西斯之立場言，生活是嚴重之問題。法西斯主義鄙視安逸與妥協，更反對抽象的個人主義，反對

唯物主義與烏托邦。就政治立場講，法西斯主義爲現實主義。想在實際的基礎上解決一切問題。法西斯主義且與民主政治不同。蓋民主政治使人民趨向大多數的較低水平線，而法西斯主義則訓練個人與民族，使趨於較高的水平線，故對於紀律、威權與精神，都要把他提高」云云。墨氏個人之解釋，實甚空泛，實際法西斯政府，僅爲暴力統制。其在政治方面，否定自由主義與民主主義，主張對國家絕對服從。且傾向於寡頭專制。在經濟方面否定社會主義（如資本公有，公共經營），確認私有經營與自由競爭。在社會方面則承認各種階級的存在，否認階級鬥爭，否認無產階級的自衛權。故法西斯主義實爲資本家與地主之保鏢，法西斯政權爲資本家與地主之附庸。各國法西斯主義者因環境之不同，彼此雖有互異之點，然其基本特點均不外是也。

一八 怎樣纔是一個名副其實的獨立國家

名副其實之獨立國家，必先有固定之領土與人民，人民之受異族侵凌者，國家能運用

權力以保護之，領土之受異族侵占者，國家能設法阻止之，對內有至高無上之權力，可以統制一切，對外有獨立自主之資格與能力，內政外交，均不受異族之干涉，斯謂之名副其實之獨立國家。

一九 國民對於國家應盡那幾種義務應享那幾種權利

國民對於國家，應盡納稅當兵與服務之義務，國民應享之權利，計有五項：一為自由權，舉凡言論信仰著作住居遷徙等均得自由，非依法律不得干涉之。二為生存權，即老弱殘廢，國家應負救濟之責任。三為參政權，即人民有參與政事之責任。四為勞働權，即國民在不觸犯法律之職業範圍內，得自由選擇經營之。五為勞働受業權，即國民從事勞働應享受相當之報酬。

二〇 解釋下面幾個名辭

直接選舉 由有選舉權者爲一次之選舉，卽行決定者也。其由有選舉權者第一次先選舉選舉人，更由選舉人爲第二次之選舉而決定者，謂之間接選舉。

代議制度 由人民選舉代表組織議會，與議國家政事，謂之代議制度。

司法獨立 卽司法機關對於民刑案件之審理，不受任何官廳或機關之干涉。或司法機關對於民刑案件之判決，不受上級司法機關之干涉。

國際聯盟 爲歐戰後國際間之一種永久組織，以解決國際爭端且謀世界之和平與福利者。成立於一九一九年，其職務由聯盟會議，聯盟執行委員會，及國際法庭分別執行，以執行委員會爲重要機關。自德日相繼退出後，國聯之權力與威信已日漸衰替，近已爲英法之御用機關，失其組織之本旨矣。

關於經濟的

一 最近十年間我國每年平均的入超是多少

最近十年來我國對外貿易價值，根據海關貿易年報及貿易月報所載如下表：

中國國際貿易價值表（單位千元）

年	輸		出		入超
	入	出	入	出	
民國十五年	一、七五一、五三七	一、三四六、五七一	四〇四、九六六		
民國十六年	一、五七八、一四七	一、四三一、二〇九	一四六、九三八		
民國十七年	一、八六三、三二〇	一、五四四、五三一	三一八、七八九		
民國十八年	一、九七二、〇八三	一、五八二、四四一	三八九、六四二		
民國十九年	二、〇四〇、五九九	一、三九四、一六六	六四六、四三三		
民國二十年	二、二三三、三七六	一、四一六、九六三	八一六、四一三		

民國二十一年	一、六三四、七二六	七六七、五三五	八六七、一九一
民國二十二年	一、三四五、五六七	六一一、八二八	七三三、七三九
民國二十三年	一、〇二九、六六五	五三五、二一四	四九四、四五一
民國二十四年上半年	五四五、四五五	二五九、三七〇	二八六、〇八五

除民國十六年入超較少外，二十年至二十二年入超均在六萬萬元至八萬萬元之間。而自二十三年至現在入超額表而減縮，實際因輸入與輸出額均較前減退，且白銀大量輸出，亦為國民經濟前途一大危機，幸政府實行通貨管理政策，白銀不致繼續外流，而減低幣值，亦可以促進出品貿易與阻止不必需外貨之購買也。

二 外貨進口最多的是甚麼

外貨進口最多者為棉花、棉紗、棉布、人造絲、米、麥、石油、機器、五金、紙張、糖、煙草、建築材料及軍械、軍火等物。據民國二十三年之統計，是年棉花進口值四千五百九十三萬金單位，米

穀進口值三千三百四十三萬金單位。機器進口值二千八百零五萬金單位，紙類進口值二千一百六十九萬金單位，汽油、柴油、煤油、木材進口值均在二千萬金單位以上，小麥、煙草、糖類、棉布均在一千五百萬金單位以上。

三 我國進口最多的是那一國貨物

就民國二十三年之統計而論，外貨進口最多者為美國，佔貿易總額百分之二十六，其次為日本，佔貿易總額百分之十二又一六，第三為英國，佔貿易總額百分之十二。第四為德國，約佔貿易總額百分之十，第五為荷屬東印度，佔貿易總額百分之六，印度（緬甸）佔貿易總額百分之四。

四 我國出口最多的是那一類物品

我國出品貨物最多者為原料品及農產品，就民國二十三年一年之統計而論，最多者

爲茶，值國幣三千六百萬，其次爲棉紗，值國幣三千一百萬元。第三爲五金，值三千萬元，皮貨及生絲，均值二千八百萬元。桐油及蛋產品，值二千六百萬，此外如棉花、綢緞、豬鬃、花生等出品均達一千萬元以上。

五 白銀抬高價格於我國有何影響

一九三四年，美國以人力抬高銀價，構成國際金融史上空前之事變，自四月間白銀協定成立以後，銀價即停止下跌，以銀計算之各國物價，停止上漲。其後美國宣布白銀收歸國有，繼向海外收購白銀，世界銀市因之突飛猛漲。我國爲唯一用銀國，銀價之漲落，直接影響我國匯兌率之漲落，間接影響我國物價。銀價漲，則中國貨幣對外國貨幣漲價，以銀計算之外國貨物，因以跌價。近來各國物價回漲，而我國物價不能隨之上漲之原因，乃由於貨物之對金漲價，遠在銀之對金漲價以後，故各國物價雖微有上漲，而以銀折算之物價，則反下落。因銀價提高金價下跌之故，以金計算之我國物價，則反上漲。欲使貨物在外國脫售，出口商

乃不得不再往下壓低價格，然壓低之程度，總不能與銀價之上漲相殺，故成爲出口困難，國外市場萎縮之現象。因銀價上漲，銀幣在國內對貨物漲價，成爲普遍的物價下跌；對外方面，則銀幣對外幣漲價，外貨改以銀幣計算則跌價，出口貨改以外幣計算則漲價。結果外貨大量進口，而土貨則出口遲鈍，遂致金錢大量外溢而土貨無法銷售，增加我國社會不景氣之程度。故白銀抬高價格，給與我國經濟之打擊甚巨。近來我國政府實行新貨幣政策，白銀收歸國有，更設法穩定外匯率，實亦重要之對策也。

六 近來國人對在華外國銀行不敢信任是甚麼原因

自海通以還，外人之經商我國者日多，爲匯兌及存款之便利計，乃於我國境內設立銀行，而國人之前往存款者亦多，且有無惡不作之軍閥與賣國漢奸，所有非法取得之資財，以防失勢後之沒收，均存儲外國銀行，寢假而造成信賴外商銀行之風氣，更因本國銀行值草創時期，未能引起國人之信任。近來本國銀行組織日臻健全，存款穩妥，而外商銀行之在華

者，亦時有倒閉之事件發生，於是國人信任外商銀行之心理，遂爲之一變矣。

七 我國農村爲甚麼會衰弱

我國農村，近十數年來，日漸衰弱，究其要因，約有下列數點：

(一)由於內發者 農村衰弱之內發原因，約分兩點，即天災與人禍是也。近十餘年來，我國國內，幾每年發生災荒，或爲水災，或爲旱災，或爲蟲災疫災，災荒之足以促成農村之衰弱，其理至明，無待多述。其次爲人禍。自民國以來，我國幾無年無內戰，而內戰之結果，造成農民生計之困難，於是老弱者轉乎溝壑，強悍者挺而走險，各地土匪發生，安分農民遂不能安居樂業。而地方之貪污土劣，狼狽爲奸，苛捐雜稅，擾民實甚，農民於無法生活中，或借高利貸飲鴆以止渴，或閉門逃亡，形成壯丁離村之現象，農村之現象如斯，而欲其不衰落，其何可能？

(二)由於外來者 促進農村破產之外來原因，約有下列數種：年來農產品之價格，日漸低落，外商遂以賤價購買農村之物產，運回製造成品，再運銷吾國，於是農產原料以賤價

售諸外商，而洋貨却以高價售諸農民，此一出一進間，我國農村經濟爲外商擄奪而去者甚鉅。更以農村不靖，稍有資財者，類多遷居都市，於是現金亦集中各大都市，而農村現象，愈覺黯淡矣。至天災人禍交互侵逼之結果，則農村中富者逃亡，貧者愈貧，於是農村之衰弱，更不可收拾矣。

八 用什麼方法可以使國貨的生產增加

欲使國貨生產量增加，在生產方面，須力求生產技術之改進，在銷售方面，須力求市場之發展。蓋改進生產技術，實使國貨產量增多之必要方策，國貨有大量之生產，則其品質可以優良，成本可以減低，而購用者亦自然踴躍。此外爲實行關稅保護政策以維持國內幼稚之生產，而廢除苛捐雜稅，以利國貨之運輸，亦可間接促進國貨生產之增加與發達也。

九 我們爲甚麼要愛用國貨

民族經濟爲民族生命之所繫，民族經濟豐足者，則其國必強；民族經濟窘迫者，則其國必弱。故富強二字，實互爲表裏。近代世界交通，日漸進步，而國際貿易亦爲任何國家所不可少之事實。自有國際貿易以來，一國之經濟，恆有流入國外之危險。故欲維持本國固有之金錢不使流出國外，則爲國民者，舉凡一切生活所需，悉應購用國貨，蓋購用國貨卽不啻保存民族固有之資金。保持民族固有之資金，卽不啻保存國民所賴以生存之命脈。況國民愛用國貨，則國內之生產事業卽可發達，生產事業發達，失業者可日漸減少，而社會經濟亦可日趨於繁榮矣。

一〇 用甚麼方法可以減少外貨的進口

欲減少外貨之進口，國民一致愛用國貨固爲澈底而有效之辦法。然人心不齊，國家既無強制人民必用國貨之法令，欲減少外貨之進口，亦非國家利用限制外貨輸入之政策不爲功。限制外貨輸入之政策，若提高關稅也，若減低幣值也，均爲可能之事。我國因受不平等

條約之束縛，關稅完全自主，尙不可能。故減低幣值實爲限制外貨進口一種必要手段。去年十一月四日公布之管理通貨法令，實亦爲減低幣值之一種方式，故自實行通貨管理政策以後，外貨進口數量已日漸減低矣。

一一 外人來華的投資目的是甚麼

我國自海通以還，外人之來華投資者踵相接。國內之重大企業，若鐵路、礦山、紡織、地產、銀行、保險、建築、公用事業等，莫不有外人之投資。外人來華之投資，就個人言，其目的在獲得利潤；而就民族言，則在以經濟的力量，控制中國。故外商足跡所及之地，亦爲外國軍隊所及之地。外人之來華投資，縱無政治作用，然彼以過剩之資金，投之於中國，獲取較大之利潤，對於我國民族經濟之前途，亦將發生不良之影響。我國年來社會經濟之窘迫，未始非受外人在吾國有巨大投資之影響也。若僅利用外人之資金，開發國內之產業，且不附帶任何條件，則利用外資，亦未始不可也。

一二 目前在中國經濟方面有最大勢力的是那幾國

自一九一〇年起，二十年來，就貿易方面言，日本始終佔中國對外貿易之第一位。一九三一年東北事變發生後，日本已失去中國進口貿易第一位之資格。一九三二年一二八事變發生，日本對華貿易更失去重要性。於是美國遂一躍而加諸日本之上矣。英國亦繼美國而由第四位升居第三位，至一九三三年更升居第二位。然日本對華貿易，雖日漸衰弱，而對我東北之貿易，則日漸加增。此外德國對華貿易，亦有日漸上升之勢。但至最近，日貨不獨在東北及華北暢銷，即在華中與華南，亦有日漸發展之勢。若就投資言，一九二九年英國在華投資總額爲一億九千五百萬鎊，約合中國國幣三十一億元。九一八事變前日本對華之投資，已達二十二億七千三百萬元。而近來日本在上海之紡織事業，其進展之速，直給英藍開夏以巨大之打擊。故目前在中國經濟方面有最大勢力者，以日爲第一，英次之，美又次之，德亦有進展之趨勢。

一三 用新式的交通器具就有許多腳夫船戶要失業用新式的生產工具就有許多手工業者要失業這一個問題應當用甚麼方法解決最爲合理

今日之我國，爲新舊更替之時代。故一切均充分表現矛盾之形態，而新舊之鬥爭，亦無地無之。舉其著者，若交通器具之革新與生產工具之變換，則更爲顯明可見者。交通工具之革新，使向業交通運輸之腳夫船戶因之而失業，生產工具之變換，使向營手工業之工人亦無法與之競爭而致失業。一方爲求社會之進步而力求維新，一方爲維持自身之利益而力圖保守，於是紛爭以起。此種糾紛，在目前中國之社會中已數見不鮮，設處置失當，則爲害匪淺。就理論言，吾人對於促進社會之進化，當抱熱烈之願望；而就事實言，對於此等爲時代所淘汰之羣衆，亦寄無限之同情，吾人誠不能姑息此種受時代淘汰之民衆而使社會呈停滯不進之狀態，然亦不能祇求社會表面之進步而忽視此大多數貧苦無告者之生活問題。若

兼籌並顧，惟有於新興之事業中，儘量安置因此種新興事業發生而連帶失業者。若某地航路行駛輪船，則舊有航路中之船夫可作為水手，若某地開設工廠，則本地舊有之手工業者可招為工人。如此兩方兼顧，於事理人情，兩得其平矣。

一四 分工有甚麼利弊

自產業革命以後，一切生產，大都採用分工制度。即以紡織而論，在手工業時代，紡者即為織者，織者即為紡者。自工業革命以後，紡織異途。且紡之全部工作與織之全部工作，更非出諸一人之手。就生產效率言，分工實為增進效率之必要方法，且足以促進生產之進步與發達。然就工人之雇用言，則分工實為一造成失業問題難於解決之一大原因。在手工業時代，因生產技術簡單，個人祇須少許資本，即可從事生產。至機器發明，分工繁細，工人所諳習者，祇為生產過程中某部之工作，例如印刷，則排字者未必即能印刷，而印刷者又未必即能排字。故排字者失業，設有印刷之職業，彼即不克勝任。而印刷工人失業，雖有排字工人之地

位，彼亦將望望然而去之，以其非所習也。故分工雖為生產之進步方式，而所給與工人之惡影響，實非淺鮮也。

一五 合作社的意義和利益是怎樣的

合作社是以和平方法實現經濟上之相互利益，重展已被汨沒之人類間相互連鎖為目的而組織者。其組織之方法，即由若干興趣利害相同之同志，以自由意志相結合，且同立於同等責任與同等權利之基礎上，以大公無私之態度創造一種或一種以上之聯合事業。故合作社乃人之結合，非資本之結合，雖具商業組織之形式，而與商業組織之營利目的不同。蓋合作運動肇始於貧困，社員之結合，實由於經濟上之貧困，而謀所以解決貧困所生之苦痛與困難也。羅盧載爾公平先鋒社 (Equitable Pioneers of Rochdale) 之法則，可充分說明合作社之意義與特質。茲錄之如下：

(一) 社員每人祇有一票表決權，無論股款多少，均一律待遇，且無代表選舉權。

(二) 每一社員所認之股份應有限制。

(三) 股份上利息之數目，不得超過市場上一般公司利息之數目。

(四) 社中所得淨利，除提若干成爲公積基金及教育基金外，其餘應皆分配於社員。按照社員對於社中所作之交易或工作之多寡爲比例。有時亦按工銀之比例，將紅利分配於各雇用者。

(五) 如係消費合作社，物品價格應與市價一律。

(六) 社員如無定額，當地若有品行端正者請求入社，合作社即不應拒絕。

合作社之種類，大別之有三類：一爲消費合作社，一爲生產合作社，一爲信用合作社。至其利益，則在以羣體的力量解除經濟上弱者之痛苦與困難，以實現經濟上之相互利益耳。

一六 甚麼叫做傾銷爲甚麼要實行貨物傾銷

傾銷 (Dumping) 亦作「屯併」，其簡單定義，爲「國際市場間之一種物價歧視」。

(Price-discrimination) 申言之，有後列四種意義：

1. 傾銷品之售價，低於外國市價。
 2. 傾銷品之售價，為國外競爭者所不能顏顏。
 3. 傾銷品之國外售價，低於國內售價。
 4. 傾銷品之售價，於銷售者無利可圖。
- 至實行貨物傾銷之原因，有下列十項：
1. 脫售臨時過剩之貨物，
 2. 非出於故意之傾銷貨物。
 3. 與市價過低市場保持商業上之關係。
 4. 於新市場發展其商業關係，並獲得購買者之信心。
 5. 停止傾銷市場之競爭。
 6. 防止傾銷市場競爭之發生。

7. 施行相反傾銷，以制止外來傾銷。
8. 保持機器之高度生產。
9. 保持大規模之生產。
10. 發揮重商主義。

年來舶來品之在我國實行傾銷者，一方固為宣洩其生產過剩之貨物，一方更含有打倒我國新興幼稚工業之作用也。

一七 甚麼叫做托辣斯為甚麼要有托辣斯的組織

托辣斯(Trust)者，為由數公司聯合或由一公司壟斷某項企業之組織也。此種組織，盛行於美國，組織之目的，在求企業之獨佔，避免同業競爭之影響。以謀較大利潤之獲得，此種組織，為資本主義發達至最高度應有之現象。

一八 爲甚麼東印度公司就能征服印度

印度之亡也，不亡於英國之兵力，而亡於英之設立東印度公司，此爲世人所公認者。蓋東印度公司創立於西元一千六百年間，葡、荷、英、法等國，均於印度有此種組織，以與印度通商。惟以英法二公司之勢力最盛。一六九〇年以後，變商業性質爲侵略性質。英復以兵力制法，獨取印度之兵權稅權，歸諸公司掌握，漸併諸王侯領土。一八五八年，印度歸英政府直轄後，東印度公司乃解體。是東印度公司者，實爲英人侵印之大本營也。（嗚呼！我東北之亡也，南滿鐵道會社之功不小，今也與中公司又將組織成立，而華北之危機更深，殷鑒不遠，吾人其猛醒！）

一九 解釋下面幾個名辭

（一）節制資本 爲孫中山先生民生主義實施方法之一，即產業之有獨占性或規模

巨大者，如鐵道航路等，由國家經營，使私有資本制度不能操縱國民生計。

(二)經濟侵略 即以經濟的關係而壟斷一國之利益或干涉其內政之謂。通常與貿易吸收其資金，或以外債而獲得政治上之權力，均為經濟侵略之方式。

(三)保護關稅 外國輸入之貨品，國家認為有妨害某種本國貨物之勢力，則國家可以提高其進口稅，以使其成本加重，俾本國貨物行銷國內各地，不致受其侵害，此種政策，謂之保護關稅政策。

(四)通貨膨脹 通貨膨脹者，即增加通貨或減低幣值以增加通貨之數量。

二〇 中國富源最多為甚麼國民經濟會這樣的枯窘

吾國地土廣大，物產富饒，為世所稱羨，惟以年來國內擾亂無寧日，固有之生產事業，日漸衰頹，新興之生產事業，又未發展，物產雖豐，然不善經營，不能開發，與無產何異。加以每年溢田之漏卮，達六七萬萬餘元，「坐吃山空」，古有明訓，無源之水，轉瞬即涸，國民經濟之日

漸枯窘也宜矣。爲今之計，在消費方面，亟宜提倡愛用國貨，以免金錢之外溢，開發國內之產業，以謀經濟之昭蘇。誠能節流開源，則國民經濟自可日漸繁榮矣。



關於自然科學的

一 什麼叫做物體的三態

物體之狀態，因其體內結力之強弱，而有三種變化，如木石為固體，水油為液體，空氣為氣體，此三者即為物體之三態。通常物體之三態，常因熱度高低而有變化。如水在通常溫度之下為液體，冷至冰點則結冰而為固體，熱至沸點則沸騰而成氣體，是其最著者也。其他金屬莫不皆然，銅鐵鉛錫，在通常溫度之下為固體，但熱至相當溫度，則化為液體。若施以高熱，亦可化氣。空氣本為氣體，但冷縮至相當程度時，亦可成液體空氣或固體空氣。特在通常溫度之下，不若水之易於試驗耳。

二 什麼叫做物質不滅及能力不滅

物質不滅亦稱物質常住，任何物質，永有一定之數，即為火所燒燼，水所溶解，亦祇能變為他物，而本質決不消滅，如水化水蒸氣，若遇冷則仍可凝集為水。鹽溶水中煎之復可成鹽。又若燃紙成灰，則紙形已不復存在，然紙形雖消滅，而構成紙之各種原素，則與輕養等氣體結合而成一種新物質如二養化炭之類，留存於空氣中。故物質不但不能消滅，且亦不能創造，形雖變而質不變，此謂之物質不滅。

能力不滅亦稱能力常住。蓋能力可變為功力，如燃燒石炭，運轉汽機，發生電氣，其初由石炭與養氣之化學能力發熱，使水化汽漲大，因汽之體積，被壓迫而成位置能力。轉運機械，變成運動能力。此能力發生電氣，能化分物質，如分水為輕養二氣之類。此分離之物質，化合時復變化學能力，雖變換移轉之間，不無耗散，若總其耗散之全量而計之，則仍不爽毫釐。故凡宇宙間存在之能力，其總量常有一定，祇能變其狀態，不能損其定量，是為能力不滅。

三 進化學說的大要是怎樣的

進化學說爲達爾文所發見，其說謂世界生物，千差萬別，而溯其原始，則種源爲一，皆由極簡單之原始生物，一方進化爲植物，一方進化爲動物。又各分種類，而後成今日之狀態。所以有此進化者，則由於自然淘汰人爲淘汰與兩性淘汰故也。其初本就生物言，後學者復推衍之，卽哲學與其他科學，亦多採進化學說爲其基礎焉。

四 傳染病是怎樣發生的

傳染病之發生，係由於病原體所傳播。如傷寒係由傷寒菌，赤痢係由赤痢菌，白喉係由白喉菌，霍亂由霍亂菌，鼠疫由鼠疫菌，痘瘡由痘瘡病原體，麻疹由麻疹病原體，猩紅熱由尙未發現之猩紅熱病原體，瘧疾由瘧疾原蟲，腦脊髓膜炎由重球菌等所傳染。此種傳染疾病之病原體，類多由空氣飲食及用物爲媒介而傳染於人。故欲預防傳染病之侵襲，必須注意飲食及用物之清潔。

五 夏季大雷雨時爲甚麼先見電光後聞雷聲

夏季大雷雨時，吾人往往先見電光，後聞雷聲，而雷電乃同時發生者，惟以光之行進，其速度較聲爲快，故恆先見電光而後聞雷聲。吾人若在野外相隔約一里之距離外，以一人放炮，則先見發煙，後聞炮聲，卽此理也。

六 寒暑表的構造是怎樣的

寒暑表爲一玻璃管，中貯水銀或酒精，利用物體熱漲冷縮之原理，以測氣溫之高低者也。其構造之所以採用玻璃管及水銀或酒精者，因玻璃漲縮之度甚小，故用以作管。而水銀及酒精之漲縮度甚大，故貯於管中。管內之空處極細，下部爲一空球。實以熱水銀或熱酒精，於未冷時，固封管口。及冷則液體下降，而管遂成真空矣。因氣溫之高低而管中之水銀或酒精則發生漲縮。管上更分作多數等分，每分稱爲一度。但度有大小，全視其分法如何。普通所

用者爲華氏 (Fahrenheit 於一七一四年發明) 及攝氏 (Celsius 及 Lamens 於一七四二年發明)。華氏寒暑表爲一百八十等分，以三十二度爲冰點，二百十二度爲沸點。攝氏寒暑表爲一百等分，以零度爲冰點，一百度爲沸點。言度時必標明所用度表之種類。通常以 C 字置於度數後表攝氏，以 F 字置於度數後表華氏。如 32° F 爲華氏六十八度，20° C 爲攝氏二十度等是。其換算法如下：

$$\text{攝氏} = \frac{9}{5} (\text{華氏} + 32^\circ)$$

$$\text{華氏} = \frac{5}{9} (\text{攝氏} - 32^\circ)$$

七 無線電話是利用空中的甚麼傳遞聲音

無線電話係用高週之電波，自一振動器或發電器中發出，傳於空中之以太 (Ether)，受信處接受此等電波，卽生振動，以影響於受話器而發聲。

以太爲太空中虛無微妙之物質。彈性至大。一部分微有振動，卽生橫波，以傳達於上下四方。電熱光均可以之爲傳導體。

八 一切生物都是由甚麼構成的

世間一切生物，無一非由細胞構成。細胞之種類甚多，其個體亦為一獨立之生物。其形不一，有方長扁平等形。最長者謂之纖維。細胞之內容物為原形質、核與細胞液，一切生理作用，全在原形質，原形質死，細胞亦死。故學者以原形質為生命之物質的基礎。構成細胞之主要成分為氫、氮、氧、碳、硫、磷等元素。

九 貧窮人家衣食常常發生困難可是身體並不衰弱這是

甚麼原因

人體之強弱，隨環境及其享受以為轉移。太古之際，穴居野處，茹毛飲血，使非有強健之體格，不足以資生存。故人類恆能鍛鍊體格，以求生存。洎乎近世，人類因享受過奢，故其體格反日漸退化，環境稍有變化，即難以適應。惟貧苦者流，因其環境困苦顛流，惡劣之遭際，轉足

以鍛鍊其體魄，故其體格反日趨於健強。孟子所謂「天將降大任於斯人也，必先苦其心志，勞其筋骨，餓其體膚，空乏其身，行拂逆其所爲，所以動心忍性，增益其所不能。」良有以也。故惡劣之環境，實非吾人之敵，吾人所亟應知者，乃「晏安耽毒」之一語耳。

一〇 疫症最流行時我們應該怎樣攝生

疫症流行之際，吾人欲避免其傳染，對於居處飲食，均應求其清潔，於必要時，更應採用防毒口罩，蓋各種病原體之傳入人體，大都隨呼吸及食物而入，食物力求其清潔，而呼吸更採用防毒口罩，則病原體即無從侵入，身體健康亦可以保全矣。

一一 菸茶酒三種嗜好品對於人體有甚麼害處

菸、茶、酒爲人類三大嗜好品。菸含尼古丁，酒含酒精，均能刺激神經使之興奮。其中以茶之爲害較小，而菸酒之爲害則甚巨，吾人以少服爲宜。

一一一 隨地吐痰有甚麼害處

痰爲肺中之分泌物，肺不健全者始多痰。故痰中恆帶有肺癆菌。設隨地亂吐，則附着於痰內之肺癆菌，將隨風飄揚空中，以爲傳染肺癆之媒介。故隨地吐痰，不僅爲一種惡習慣，且爲殘忍而不道德之舉，與殺人實爲有形無形之別耳。

一二二 健康人的體溫是攝氏若干度

健康人之體溫，爲攝氏寒暑表三十七度，卽華氏寒暑表九十八度六，若高或低於此數，均爲不健全之徵象。

一二三 動物器官的進化與退化的原因何在

動物器官之進化與退化，恆以用與不用爲轉移。卽器官愈用者則愈進化，愈不用者則

愈退化，如車夫之腿，鐵匠之臂，此即愈用愈進化之例證；又若家雞之翅，袋鼠之前肢，此即愈不用則愈退化之例證。拉馬克氏之用進廢退說，雖未能解釋全部生物進化之原因，然解釋動物器官進化退化之原因，則有不可磨滅之價值存焉。

一五 預防毒氣最簡便的方法是甚麼

預防毒氣最簡便之方法，厥為以手巾蘸水使濕，覆於口鼻上以營呼吸。蓋目前已知之軍用毒氣，類皆能溶於水也。

一六 近代戰爭所應用的科學武器有幾種

近代戰爭所使用之武器，嚴格言之，皆科學武器也，若槍炮械彈，何一非科學之產品。飛機、潛艇、坦克車、毒氣彈，又何一而非科學之產品。洎乎近日，此種武器，已不足以制勝強敵，而各國科學家，更殫精竭慮以製造殺人之利器，吾人所知者有病菌彈、死光等。並且科學武器

之發明，各國皆諱莫如深。使非應用於戰場，吾人恆不能測其涯略。然即以所知者而言，若毒氣，若死光，若細菌彈，若飛機，何一非兇猛而慘酷之殺人武器。我國科學落後，此種發明，絕無僅有，一旦有事，危險何如？言念及此，不禁竦然。

一七 現代軍用毒氣有那幾種其性質是怎樣的

現代軍用毒氣，大別之，可分爲五類：

(一) 窒息性 此類毒氣，對於肺等呼吸器起急激作用，能使血液凝結，血壓增高，並起窒息現象，致人於死亡，若氯 Cl_2 、溴 Br_2 、光氣 COCl_2 之類是也。

(二) 催淚性 此類毒氣，侵及眼之黏膜而使之流淚，其甚者且能使之盲目。使用此種毒氣，可使敵軍失其戰鬥力，若溴甲苯 $\text{C}_6\text{H}_5\text{CH}_2\text{Br}$ 、溴丙酮 $\text{CH}_3\text{COCH}_2\text{Br}$ 之類是也。

(三) 噴嚏性 此類毒氣，對於鼻喉肺有如燒灼之刺激而起噴嚏，有時發生嘔吐，亦爲減少敵軍戰鬥力之利器，如一苯氯砷 $(\text{C}_6\text{H}_5)_2\text{AsCl}$ 、二苯氯砷 $(\text{C}_6\text{H}_5)_2\text{AsCN}$ 之類是也。

(四) 糜爛性 此類毒氣能使皮膚發生糜爛，且能侵入呼吸器使肺起浮腫。如芥子毒質 $(C_2H_4Cl)_2S$ 劉威毒質 $CHCl \cdot CHAsCl_2$ 是也。

(五) 中毒性 中毒性毒氣能侵害神經中樞，中毒者往往立時即死，為毒氣中之為害最大者。如氰化氫 HCN 、氰甲酸甲酯 $CNCOOCH_3$ 及一養化碳 CO 是也。

上之所舉，僅為第一次大戰為世所習知者，近二十年來，各國對於此種殺人化學之造就，較之二十年前，其進步實不可以道里計。行見第二次大戰揭幕之後，則世界將為各種毒氣所籠罩矣。

一八 甚麼叫做適應

適應 (Adaptation) 為生物學之名辭，或譯作「體合」。生物為求適於生存，應環境之變化，而變化其形態，以求相適，謂之適應。如植物之入冬落葉，以防水分之蒸發；動物之有擬態或保護色，以避敵害之侵襲，皆其例也。

一九 甚麼叫做優生

優生亦作人種改良，為英國人類學者高爾頓氏 (Sir Francis Galton) 於一八八四年所創之學說。主張根據曼達爾氏 (Mendel) 之遺傳率以選擇配偶，使產生子孫，精神身體均盡美善，以免人種之退化。近代先進國家，莫不採用優生政策以改造國民之體質。吾人欲求子孫體質之進步，對於配偶之選擇，不可不注意也。

二〇 欲急救方溺死或窒息垂斃的人應該用甚麼方法

欲急救方溺死或窒息垂斃者，亟應實行人工呼吸法。其法有多種，最普通者，裸被救者之上體，使仰臥地毯，薦骨部加枕稍高，用毛布夾舌引出，繫於下顎，施術者跨被救者之腰部，以左右手掌着乳下外側，用全力徐將下肋壓向後上方，使肺中空氣逸出。然後迅速釋手，則胸廓以自然之作用，仍復舊形，外氣得以入肺。如此反覆不已，一分時間，自十次至十二次，被

救者自然蘇甦，續其呼吸。又施術者壓胸廓時，別由助手將窒息者兩臂按於體旁，令直，釋手時，又將兩臂舉至頭上，以促胸部之擴張，尤為有效。

公民常識百題解終



◁ 書叢學科會社 ▷

究	之	問	經	中
◆	研	題	濟	國

史	發	主	資	中
◆	達	義	本	國

長野朗著 胡雪譯 一册 一元二角

本書探討中國資本主義之發達，並指出其各種要素而闡發其特殊之性質。為中國經濟情形演變中之重要史料。全書分四部份：①為中國資本主義發達之經過，對於通商以前產業發達之概況及資本主義不發達之原因，均詳加敘述；②為資本主義發達之實況，以精博之材料，簡潔之筆調，說明目前工業發達之情形；③為中國資本主義之特殊性，對於軍閥資本主義及官僚資本主義，作扼要之剖析；④推論中國資本主義之將來，對於中國資本主義發達之前途，作一嚴密之探討。

金國寶著 一册 一元

本書包括討論幣制、財政，票據與金融、銀行立法、經濟政策及經濟建設等論文二十二篇，所論均鞭辟入裏，切中時弊，與一般徒尙空泛的理論，不着實際之作品，迥不相同。尤以提倡承兌匯票的幾篇文章，開今日承兌匯票的先河，作者殫精竭慮，悉心壁劃之功，實為不可磨滅。其中關於銀行立法的幾篇文章，法理與事實，相互引發，亦為今後研究銀行立法必要之參考資料。凡研究經濟學或服務金融界者，對於此類具有歷史和現實價值之著作，當以先睹為快也。

版出局書藥中

中1357(全)25,8.

科學史與科學故事

近代科學發明概觀


華成汝編 一元一角

本書記述近代科學界各種重要之發明，舉凡發明史、製法、學理、功用等，均一一闡述。計分十八章，每章又分若干節，先述物理學方面之發明；例如：光、電、音、力、熱等各種之發明；次述化學上之發明，例如：製酸、製鹼、製紙、人造絲以及人造肥料等；又與國防有關之各種新發明，亦有精確之記載。故本書不僅研究科學者宜讀，即關心國防者亦宜一讀。

本書舉凡科學發達之源流，科學方法之應用，以及科學家構思之苦，用力之勤，莫不敘述詳盡。末附「科學在中國之過去及將來」與「近五十年來的中國科學教育」兩篇，敘論尤為精確。讀之，可明科學進化之跡，與中國科學教育之概況。

科學發達略史

(新文化叢書之一) 周邦道編 八角



近世之新發明

本書歷舉近世之新發明，如印刷術、輕氣球、蒸汽機、蒸汽船、火車、汽車、電車、避雷針、電汽機械、電話、電燈、望遠鏡、顯微鏡、鐘錶、磁石、陶器、玻璃、照相、飛行機、愛克司光線、留聲機等，詳述其發明之歷史與構造原理。閱畢本書，對於各種新發明，可以獲得概念矣。

(常識叢書之一) 葛綏成編 四角

法布爾科學故事

Jean Henri Fabre: Le Livred' Histoire

向仲譯 一元
本書以故事體裁，敘述科學之真理，上自天文，下至地理，旁及物理、化學、生物、數學，而以少年人最易發生興趣與觀察機會最多之生物學為主體。全書八十章，每章均用生動活潑、淺顯流利的文字，描述一個獨立的科學故事，處處引人入勝，毫無枯燥乏味之感，正如春日旅行，一面流覽風景，一面却觀察了自然界的現象。譯文亦極曉暢易讀。

書

叢

學

史

國史通路

張震南著 一冊 一元二角

本書上起太古，下迄現代，挾治繁要，綜為四事：曰政術，四國際，曰生計，曰學術，仍以通史方法，按照時代將四事貫穿而成。凡三十二章，為提綱挈領之敘述，而隨事綴以精要之史實，一掃呆板之弊，可供一般人民瀏覽史事及學校教科之用。

元史學

李思純著 一冊 八角

本書分四章：第一章為元史學之嚮的，中述西侵歐洲，與傳播東方文化及於歐洲，使歐洲東來中國等史蹟；第二章為過去之元史學及其史料，羅列宋、元、明、清及現代，更旁及日本、朝鮮、西方諸家著作；第三章為元史學之各項問題，如史料源流、譯名播音、文字錯簡、氏族支派、人種同化、年月差錯、地輿方位、神話軼聞等問題；第四章為元史學之將來，指正洪鈞、柯劭忞、丁謙、李文田諸氏之誤點，復補傳多種。

春秋時代之世族

孫曜編 一冊 七角

本書用歸納的方法，鈎稽羣籍，將春秋時代特有之世俗制度，以及當時之政治組織，社會組織，經濟狀況，平民生活狀況，分別為有系統之整理與說明。其所用方法，殊可指示治史學者以研究的途徑。得此，對於春秋時代整個的中國，乃呈現於吾人之前，實中國史學上有價值的一種史考。

國恥史

蔣恭晨著 一冊 一元二角

本書採用紀事本末體裁，詳述明清以來中國受外人逼迫之真相，如雅片、英法聯軍之戰，中英、中日、八國聯軍之戰，及各國無理要挾欺騙訂立各項不平等條約，暨歷次交涉失敗之情形，無不應有盡有。誠激勵國人洗雪國恥之良好讀物也。

中華書局發行

538.3022

中國地理新誌

燙金布面精裝
道林紙印一厚冊
實價七元

編輯者

葛綏成 · 楊文洵 · 喻守真

韓非木 · 范作乘 · 樓雲林

地理研究的對象，關於空間的既包羅萬象，關於時間的又迭有變更。我國現在正當建設時代，各種地理概況，變遷尤為顯著。顧關於此種記載的書籍，尙付缺如。編者有鑒於此，輯成本書，計分十一編，約一百萬餘言。第一篇為緒論，敘述地理學的大意、宇宙、地殼，以及我國地域的成立和住民的起源等；第二編為中華民國總說，敘述全國地質、地勢、山水、氣候、物產等自然概況，及住民、言語、文字、教育、宗教、產業、交通等人文概況；第三篇以下則為區域誌，編制以自然區域為經，政治區域為緯，分別作扼要的總說，又於各省區中，臚列位置、地質、地勢、潭澤、海產、氣候、天然產物、形勢、沿革、人口及住民、言語及風俗、教育、交通與外國關係、商埠、地方誌等，靡不詳為敘述。書中關於各種統計事項，均臚列其事，所用度量衡，多從公制，並附中外書籍雜誌名稱多種，供參考之用。本書實為最新穎最詳備之中國地誌。

中華書局出版

民國二十五年十月印刷
民國二十五年十月發行

職業補習
教育叢書
公民常識百題解 (全一冊)

◎

實價 國幣二角

(郵運匯費另加)



編者 陸 羽


發行者 中華書局有限公司
代表人 路錫三

印刷者 上海 澳門 路
中華書局印刷所

總發行處 上海福州路 中華書局發行所

分發行處 各埠 中華書局

(本書校對者俞慶善) (二〇八七九)



7

121

標商冊註

